

VHAHEVHERU,

NDIMA YA VHUSUMBE ¹

♪ ...vhusiku, na u pfa Joyce a tshi imba. Ni a zwi dīvha uri īlo ndi dembe nga lone line? Uyo musidzana mūtuku, u kona hani u elekanya izwo zwōthe? Huno madekwana mañwe na mañwe a na luswa. U kona hani u humbula izwo zwōthe, uyo ndi muhumbulo mūtuku wa vhukoni. Murena a fhātutshedze uyo ñwana.

² Zwino, matshelo, nga hafu u bva kha iri ya vhuvhili, haya ha mbulungo ngei Charlestown, Indiana. Washu a funeaho, khaladzi o ri siaho, Khaladzi Colvin, ri mu netshedza ḥonifho ya u fhedza, ngei—ngei haya ha mbulungo na mavhiqāni, matshelo nga masiari. Muñwe we a vhuya vha tshila sa inwi madekwana a ñamusi, huno o fhira o wela seli ha luvhemba hune na do ralo tshiñwe tshifhinga. Huno vhōthe ni tamaho u dzhenelela kha tshumelo, ngani, no ḥanganedzwa u da. Zwi do vha thuso khulu kha mūta wa Colvin, u dīvha uri thaberenakele i hone, hune vhōthe who ya tshividzoni lwa tshifhinga tshilapfu, na zwiñwe, ri do... Ri do takala arali na bvelela afho n̄tha. Huno ndi elekanya uri... Mukomana washu a funeaho McKinney, we a rera kha mbulungo ya murathu wanga, miñwaha minzhi yo fhiraho, u na tshipida tshihulu tsha mbulungo, huno ndo humbelwa u da huno nda mu thusa kha—kha dzitshumelo dza mbulungo.

³ Zwino, ndo tou lenganyana, madekwana a ñamusi. Ndi na dzitsimbi nnzhi muliloni, a thi dīvhi uri ndi t̄uve nga ndila ifhio. Hu na u founelwa hunzhi, huno hohu u kwashekana na dzikhombo, na vhatu vha tshi founela, vha tshi da. U swika, ndi kha di bva u ḥutshela Louisville, a si kale, uri ndi vhuye murahu hafha nga tshihadu, huno ndi tshi khou ḥutshela mbidzo nnzhi dzine dza vha dza ndeme nga maanda nahone dzine dza tea u itiwa, ndi a kholwa, fhedzi, madekwana a ñamusi. Huno ni ri rabelele musi ri tshi t̄uwa.

⁴ Huno ano matsheloni a—a tho ngo dzhena kha langa-liñwalwa langa, kha ndima ya vhu⁷ ya Bugu ya—ya—ya Vhahevheru. Huno musi ri tshi khou vula khayo, madekwana a ñamusi, ndi khou ḥoda u ñeya ndivhadzo malugana na mūtangano wa Mukomana Graham Snelling, n̄tha denndeni afho, magumoni a Brigham Avenue. Arali Murena a tshi funa, ndi khou ḥoda u vhuya murahu nga madekwana a Lāvhuraru. Huno heneffo ri do dzudzanya vhuñwe vhusiku hune ri do gonya n̄tha sa vharumelwa, tshiñwe tshifhinga nga ino vhege, u dalela

Mukomana Graham kha muṭangano. Huno u tou vha . . . u ri, "U na gogo la vhudi." Huno—huno u do ri livhuwa ra ya, ngauri izwi zwi a thusa. Mukomana Graham Snelling, muṛwe wa vhoinwi a no ḍo dzhenelala kha muṭangano, kana ane a tama u ralo, u tou vha magumoni a Brigham Avenue nṭha afho. Muṛwe na muṛwe a nga ni vhudza uri ndi ngafhi. Magumoni a midavhi ya u tambela, dennde lo dzula heneffo. U livhuwa tshumisano yanu. Ngauri, riñe sa thaberenakele ro ana u shumisana nae, lwa phesente dza dāna, ngauralo ri khou lingedza u thusa.

⁵ Zwino, hu si kale ri a swika afho fhethu, Murena a tshi funa, kha ndima ya vhu11 ya Vhahevheru, nga masiku a si gathi, arali Mudzimu a tshi funa, huno afho ndi elekanya uri ri khou ya u vha na tshifhinga tsha khwiñe.

⁶ Oo, Murena kha ri fhaṭutshedze ano matsheloni nga ndila i akhamadzaho, O ralo u shela hani Muya Wawe kha riñe! Huno zwino, madekwana a ḥamusi, ri khou lavhelela uri A zwi ite hafhu; na nga madekwana a ḥavhuraru, na u ya phanda. Huno—huno masiku ane nda a ḥahela, Mukomana Neville ḍo vha a fhano uri a a dzhie, arali ndi si ho.

⁷ A thi ḫivhi zwine nda khou ya u ita, ni nga vha ni fhano kha ino awara, huno iñwe awara na vhidzwa California. Ni a vhona, a ni divhi hune Murena a nga ni rumu. Ndi ngazwo zwi tshi nkondela uri ndi dzudzanye lwendo na uri ri ḍo—ri ḍo ita *zwikene na zwikene*. Ndi nga thoma u ita zwithu zwikene, Murena a nthumela huṛwe fhethu. Ni a vhona? Ngauralo a ri divhi zwine A do ita. Fhedzi, "Arali Murena a tshi funa," ri a zwi amba. Huno ndi elekanya uri ro laedzwa, kana u laiwa izwo, kha Bivhili, "Arali Murena a tshi funa, ri ḍo ita *zwikene na zwikene*." Ngauralo arali zwa itea ri si ite nzudzanyo dzine ra . . . kana u vuledza nzudzanyo, ri pfa uri khaṇwe Murena o vha a sa khou funa zwi tshi itea.

⁸ Liñwe duvha, ro imiswa, Mukomana Roberson na Mukomana Wood na nñe. Huno ra ḫivhudzisa, "Ngani?" Ro dzula heneffo, ro lavhelesa kha mapa, ri tshi ralo u tsā, huno ra reila maela dza fuṭhanu ri tshi humela devhula hafhu ri ndilani. Huno ndo tshimbila kha bada khulwane u bva musi ndi na miñwaha ya fumiña. Huno ndi a ḫivhudzisa uri ndo zwi kona hani. Ro vha ro ima heneffo, vhuraru hashu. Rothe ro tshimbila dzibada khulwane. Ri tshi lavhelesa kha mapa, ra isa phanda na 130, ra fhira Illinois, nahone ra khona zwiṭuku, ri sa limuwi uri duvha li murahu hashu vhudzuloni ha phanda hashu. Ro vha ri tshi khou ya devhula vhudzuloni ha tshipembe. Huno tshithu tsha u tou thoma, ra pfuka bada, nda ri, "Heyi a si ndila yone." Ra lavhelesa phasi heneffo, huno ra wanulusa, ro vha ri nnḍa ha ndila nga maela dza fuṭhanu. Ra humela murahu . . . ? . . .

⁹ Zwenezwo musi ri tshi vhuya murahu, ro—ro vha ri tshi khou amba. Nda ri, "Ni a ḫivha uri ndi ngani? Ro . . . Murena a nga

vha o ri pfukisa nga heyi ndila, u ri tsireledza kha u ḥangana na khombo khulu fhasi hafha huňwe fhethu, zwine zwi nga vha two vhanga zwiňwe zwithu-vho. Ri a zwi divha uri zwithu zweothe zwi shuma zwi tshi isa zwivhuyani kha ḥavho vha funaho Murena. Ndi zwenezwo fhedzi zwine ro zwi vheya muhumbuloni.”

¹⁰ Zwino, madekwana a ḥamusi, ri khou thoma zwino kha pfunzo ya ngudo thukhu. Huno arali nda... A thi kholwi ri tshi do swika fhasi, khańwe ri do ralo madekwana a ḥamusi, u... Heyi ndi ndima khulu ya pfunzo ya tshafumi, kha tshivhidzo. Huno ndi theru khulu, ine ri nga dzula khayo lwa dzivhege na dzivhege, kha itsuo tshithu tshithihi, uri Abrahamu o badela hani tshafumi kha Melikesedeke, na uri arali zwi zwa ndeme.

¹¹ Itshi tshivhudzuli tshi khou vhaisa muňwe muthu murahu afho? Khwiňe ni nga ralo u tshi dzima? Arali tshi tshi khou vhaisa muňwe muthu, tshi tshi khou vhudzulela zwifhaňuwoni zwavho, tshiňwe tsha zwivhudzuleli. Arali tshi tshi khou ralo, itanu imisa zwanda zwaňu. Huno, kana itanu rumela muňwe wa vhatthusi, rumelani muňwe muthu kha murathu hafha, u do ni dzimela tshone. Huno ndi tshi sendedza kule kha nñe; ndi a fhisa nahone nda bva biko linzhi, zwenezwo, tshithu tsha u tou thoma, ndi—ndi a farwa nga duda. Ngauralo, zwi kha inwi, uri zwi si nthithise na nga ndila na nthihi. Ri khou ḥoda ni tshi dzulisea zwino.

A ri khou ya u lingedza u dzhia tshifhinga tshanu tshinzhi, fhedzi ri khou tou ya u lavhelesa tswititi kha Ipfi. Huno phanda ha musi ri tshi ralo, kha ri ambe na Muňwali lwa tshikhalañana.

¹² Zwino, Khotsi a Tađulu, a ri divhi zwe wa ri vhetshela. Fhedzi tshithu tshi tshothe tshine ra tshi divha, nahone ra kunguwedzea ngatsho, izwo zwithu zwavhuđi two dzula phanda hashu. Ngauri two ñwaliwa, “Mađo ha athu u vhona, na ndevhe a dzi athu u pfa, nahone a zwi athu u dzhena mbiluni dla vhanne, zwe Mudzimu a vha vhetshela, avho vha Mu funaho.”

¹³ Huno ri rabela uri U vule mafasiđere a Tađulu madekwana a ḥamusi, nduni Yau ya thundu, nahone u ri fhe Ipfi Lau, izwo zwi do vha zwithu two teaho, tshithu tsha u engedza lutendo Iwashu sa Vhakriste, nahone uri ite ro—ro dzuliseaho zwintshi kha Mafhungo madifha, u fhira zwe ra vha ri zwone musi ri tshi dzhena ngomu. Zwi tendele, Khotsi. Ngavhe Muya Mukhethwa u tshi dzhia Ipfi la Mudzimu nahone wa Li kumedza kha mbilu iňwe na iňwe sa vhunga ri na ḥodyea. Nga Dzina la Yesu, ri a rabela, Murwa Wau a funeaho. Amen.

¹⁴ Zwino, ano matsheloni, vhunga ro sia ndimana ya u fhedza u itela ndima ya vhu6, uri ri ye tswititi kha ya vhu7.

*Ngauri murangeli washu o ralo u dzhena, na Yesu,
o itwa tshifhe muhulu wa tshothe, hu tshi tevhedzwa
maitele a Melikesedeke.*

¹⁵ Zwino ri khou ya u vhala ndimana tharu dza u thoma, kana ndimana mbili dza u thoma, kana ndimana tharu dza u thoma, zwavhuđi-vhuđi, dza ndima ya vhu⁷, uri ri kone u thoma heneffho.

Ngauri hoyu Melikesedeke, khosi ya Salema, tshifhe wa Mudzimu wa ṭadžulu, we a tangana na Abrahamu a tshi bva kha bülayo la dzikhosí, nahone a mu fhaṭutshedza;

Ndi ene we Abrahamu a mu ḥneya tshafumi tsha zwethe, (khetscho tshafumi tshañu); nga thalutshedzo u pfi Khosi ya u luga, . . . nga murahu ha izwo a dovha a vha Khosi ya Salema, zwine ndi, Khosi ya mulalo;

Ha na khotsi, ha na mme, ha na vhađuhulu, . . . nahone ha na mathomo . . . ha na na mathono a mađuvha, kana magumo a vhutshilo; fhedzi o itwa hu tshi tevhedzwa Murwa wa Mudzimu; u dzula a tshifhe lwa tshoṭhe.

¹⁶ Mafhungo a vhuđi hani! Zwino ri khou tea u humela murahu kha Thestamente ya Kale, uri ri gwe hedzi mbeu khulwane. Huno, oo, ndi dzi funa hani!

¹⁷ Ni a divha, ngei nnđa Arizona, ro vha ri na lutamo lwa uri zwiňwe zwithu zwi iteye. Huno ro vha ri tshi ralo u dzhena kha mudavhi wa vhuđi wo dzudzanyeaho, Vho. Mc Anally na nnđe. Huno ro vha ri tshi ralo u vhona fhethu hune ha vhonala vhunga, kha milonga mićuku, hune musele mućuku, zwine vha zwi vhidza “muela.” Huno arali nda . . . U do ntsitsela fhasi huno a ita uri ndi sikiđede mućavha nahone “yoo,” nda u vhudzula. Zwenezwo nda ralo u sikiđeda “whew,” nda u vhudzula. Huno ndi a divhudzisa uri o zwi itelani. Nda wanulusa, ni a vhona, musi ni tshi vhudzula mućavha, u ya fhefhuwa. Huno zweṭhe, na mutobvu, fhefhuwa u fhira musuku. Musuku u lemela u fhira mutobvu. Ngauralo musi ni tshi khou vhudzula, dziňwe methala dzoṭhe na mućavha na mathukhwi zwi a vhudzula, fhedzi musuku u sala wo ralo mavuni. Ngauralo, arali ha vha na mukumbela n̄tha hafha, zwi sumbedza uri hu na tshiga tsha musuku huňwe fhethu n̄tha hafho. Heyi mvula yo kumba hezwi zwiđida zwićuku zweṭhe. Zwo ralo ri na zwe ra zwi tupula na zwiňwe, nahone ra gwa ri tshi tsa, ro ḥoda u ralo, ri tshi khou lingeda u wana hoyu musuku. Ra gwa milindi mavuni, ra a gwa. Ra vheya dainamaiti, ra zwi thuthubisa. Ra isa phanda na u thuthubisa milonga, ri tshi tsa fhasi u swika ri tshi wana, u wana lutsinga lwone lwa ndeme. Zwino, izwo ndi zwine ra zwi vhidza “u tama zwithu.”

¹⁸ Huno madekwana a ḥamusi ri khou lingeda u dzhia Ipfi la Mudzimu, nahone ra Li shumisa nga maanda a Muya Mukhethwa, u thuthubisa phambano na thimathimo kule hashu, izwo zwithu zwi fhefhuwaho zwa vhukuse zwi si na mutheo, a zwi na tshileme vhutshiloni hashu, ri khou ḥoda u zwi vhudzula

uri ri kone u wana holwu Lutsinga lwa vhugala. Ulwo Lutsinga ndi Kristo.

¹⁹ Huno zwino ngavhe Murena vha tshi ri thusa musi ri tshi vhala na u guda kha Ipfi Lawe. Dzo fhelaho, dzindima tharu dza murahu, ro ralo, u amba nga ha u pfa, zwino na zwiла, Melikesedeke.

²⁰ Zwino, ndi elekanya uri Paulo o neya ḥhalutshedzo yone.

Ngauri hoyu Melikesedeke, khosi ya Salema, . . .

“Khosi ya Salema.” Huno mutshudeni muňwe na muňwe wa Bivhili u ya zwi ḫivha uri Salema yo vhuya ya vha . . . Yerusalem yo vhuya ya pfi “Salema.” Huno O vha a Khosi ya Yerusalem. Mu lavheleseni.

. . . *tshifhe wa Mudzimu wa ṭadulu, (uyo ndi murabeleli), we a tangana na Abrahamu . . .*

Ndi khou ṭoda u wana lutsinga Lwawe, hoyu Muthu muhulu, uri ni kone u ḫivha uri ndi Ene Nnyi, tsha u thoma, na kona u . . . ri do isa phanda na tshenetshi tshiṭori.

. . . *a tshi bva kha bulayo ḥa dzikhosi, nahone a mu ḥfatutshedza;*

Ndi ene . . . Abrahamu a mu neya tshafumi . . . tsha u thoma . . . nga ḥhalutshedzo u pfi Khosi ya u luga, . . .

Zwino lavhelesani, “U luga.” Zwino, ri na u luga ha u ḫiita, ri na u luga ha u dzia u ḫiita, ri na u luga ho shandulwaho, hothe ho fhambanaho. Fhedzi hu na u luga huthihi ha vhukuma, nahone uho u luga hu bva kha Mudzimu. Huno hoyu Muthu o vha a Khosi ya u luga. A nga vha A nnyi?

²¹ Zwino, O vha a Khosi ya u luga, Khosi ya Yerusalem, Khosi ya u luga, Khosi ya mulalo. Yesu o vhidzwa, “Mukololo wa mulalo.” Huno mukololo ndi murwa wa khosi. Ngauralo, hoyu Muthu o vha a Khosi ya mulalo, zwenezwo U tea u vha Khotsi a Mukololo wa mulalo. Ni khou zwi wana? [Tshivhidzo tshi ti, “Amen.”—Mudz.]

²² Zwino kha ri vhone, kha ri wane lutsinga Lwawe ri tshi ya phanda, uri ri vhone hune ra khou ya hone.

Ha na khotsi, . . .

Zwino, Yesu o vha a na Khotsi. Ni a zwi tenda? [Tshivhidzo tshi ri, “Amen.”—Mudz.] Zwo ralo O vha a navho.

. . . *ha na mme, . . .*

Yesu o vha a na mme. Fhedzi hoyu Muthu ha na khotsi nahone ha na mme.

. . . *ha na vhaduhulu, . . .*

Ha na na muthihi we A bva khae, muđuhulu na muthihi. O dzula a hone. “Ha na muđuhulu.”

. . . *ha na na mathomo a mađuvha, . . .*

Ho ngo vha na tshifhinga tshe A vhuya a thoma.

... *kana one magumo a vhutshilo; ...*

Hu nga si vhe tshiñwe tshithu fhedzi Mudzimu. Ndi Onoyo ane a nga vha ene.

²³ Zwino, zwino arali na lavhelesa musi ri tshi vhala ndimana i no tevhela. Ni a vhona? “Tsha u thoma, nga ḥhalutshedzo, Khosi ya u luga.” Hafho a si hone hune nda khou ṭoda. Yone—yone ndimana ya vhu3:

... *kana magumo a vhutshilo; fhedzi o itwa hu tshi tevhedzwa Murwa wa Mudzimu; ...*

Zwino, O vha a si Murwa wa Mudzimu, ngauri, arali O vha a Murwa, U na mathomo. Huno hoyu Muthu ha na mathomo. Arali O vha a Murwa, U tea u vha na zweṭhe khotsi na mme. “Huno hoyu Muthu ha na zweṭhe khotsi na mme. Fhedzi O itwa *vhunga* Murwa wa Mudzimu.”

... *u dzula a tshifhe lwa tshoṭhe.*

²⁴ Zwino, Dokotela. Scofield u lingedza u amba, u ri, “Ndi vhutshifhe, vhu vhidzwaho, ‘Vhutshifhe ha Melikesedeke.’”

Fhedzi ndi khou ṭoda u ni isa kha izwo lwa miniti i si gathi. Arali ho vha hu vhutshifhe, zwenezwo vhu na mathomoni, nahone vhu tea u vha na magumo. Fhedzi, “Hezwi a zwi na mathomo nahone a zwi na magumo.” Nahone ho ngo vhuya a ri o tangana na vhutshifhe. O tangana na Muthu, nahone a vhidza Dzina Lawe “Melikesedeke.” O vha a Muthu, a si dinomineisheni, a si hone—hone—hone vhutshifhe kana vhukhotsi. O vha a Muthu o fhelelaho nga Dzina ṭa Melikesedeke, we a vha a Khosi ya Yerusalementa. A si vhutshifhe, fhedzi Khosi i si na khotsi. Vhutshifhe a vhu na khotsi. “Huno hoyu Muthu o vha a si na khotsi, a si na mme, a si na mathomo a mađuvha kana magumo a vhutshilo.” Zwino, Murwa wa Mudzimu...

²⁵ Oyu o vha a nnyi, hoyu ho vha hu Yehova. Hoyu ndi Mudzimu Ramaanda Ene muṇe. Hu nga si vhe muṇwe.

²⁶ Zwino dzhielani nzhele, “U dzula lwa tshoṭhe.” U na vhuṭanzi hafha, ha uri, “U ya tshila. Ha lovhi.” Ho ngo vhuya a... Ho ngo vhuya a vha tshiñwe tshithu fhedzi u vha a tshilaho. “U dzula lwa tshoṭhe.”

²⁷ Zwino, Yesu o itwa, hu tshi tevhedzwa Ene. Zwino, mbuno ya uri hu vhe na phambano vhukati ha Mudzimu na Yesu: Yesu o vha na mathomo; Mudzimu ha na mathomo. Melikesedeke ha na mathomo, huno Yesu u na mathomo. Fhedzi Yesu o itwa, hu tshi tevhedzwa Ene. “Tshifhe, u dzula o ralo.”

²⁸ Zwino, musi Melikesedeke a kha lifhasi, O vha a si tshiñwe tshithu shangoni fhedzi a—a Yehova Mudzimu o vhonadzwa nga tsiko, O vha a fhano vhunga muvhili wa tshimuya. Abrahamu

o vhuya a ḥangana Nae luthihi, denndeni yawe. Huno vhunga ro amba ano matsheloni, “Abrahamu o Mu limuwa. Huno A vhudza Abrahamu zwe A vha a tshi khou ya u ita, ngauri O vha a sa khou ya u sia mulaifa wa shango o pofula kha zwithu zwe A vha a tshi khou ya u ita.”

²⁹ Kha ndi ime hafha lwa miniti, ndi ri, Mudzimu u kha di vha na kuhumbulele kuthihi kha Tshivhidzo Tshawe. A ni vhana vha swiswi. Ni vhana vha Tshedza. Huno tshone...riñe vhane... “Vhamashudu ndi vho lugaho, ngauri vha do vha vhaṭaifa vha lifhasi.” Huno Mudzimu a nga ralo, We a ita kha—kha Abrahamu, we a vha a tshi khou tea u vha mulaifa wa lifhasi...Huno O ri, “A thi nga dzumbeli muthu ane a khou ya u vha mulaifa wa lifhasi hezwi zwithu.” Zwingafhani A tshi do dzumbulula zwiphiri Zwawe kha Tshivhidzo Tshawe tshine tsha khou ya u vha mulaifa wa lifhasi!

³⁰ Daniele o ri, “Nga ilo ḫuvha vho gidima vha tshi bva afha na afho, ndivho i do engedzeya.” Huno a ri, “Vhaṭali vha do ḫivha Mudzimu wavho, nga ilo ḫuvha, nahone vha do ita zwithu zwiḥulu nga ilo ḫuvha. Fhedzi vhavhi a vha nga ḫivhi Mudzimu wa Ṭadulu.” Vho Mu ḫivha nga tshivhumbeo na kha miphaso, vhunga ngudo yashu ya u thoma yo ralo, fhedzi a vha Mu ḫivhi nga ndila ya u khunyelela.

³¹ Huno Mudzimu u kona u shuma fhedzi nga u khunyelela, ngauri O khunyelela. Kha hu rendwe Dzina Lawe. Itea u vha ndila yo khunyelelaho ine Mudzimu a shuma ḫhayo, ngauri Ha koni u ita tshiñwe tshithu fhedzi u shuma kha u khunyelela. Ha koni u Di ḫishata na luthihi. Huno ndi yeneyo ndila ye Yesu a da u bvisa zwivhi zwashu, uri ri khunyelele, uri Mudzimu a kone u shuma kha Tshivhidzo Tshawe. Ndi heneffo hune tshiphiri tsha vha hone.

Ndi hone hune shango lo pofula. Ndi hone hune vha ṭoda u ralo, u ri, “No xedza muhumbulo waṇu.” Ndi hone hune vha ṭoda u ri, “A ni ḫivhi zwine na khou amba ngazwo.”

Ngauri, “Zwithu zwa Murena ndi vhutsilu kha vhuṭali ha shango. Fhedzi zwithu zwa shango ndi zwa ḫama kha mutendi.” Ngauralo, ni muthu o fhambanaho, ni khou tshila kha mufhe wo fhambanaho. A ni tsha vha wa shango. No fhira no bva kha vhuno vhutshilo no ya kha Vhutshilo vhuswa.

³² Zwo ralo-ha, Mudzimu u dzumbulula, hu si kha shango, hu si kha mudivhi wa muhumbulo, hu si kha vhashumeli vho funzeaho, fhedzi kha vha dītukufhadzaho mbiluni. Vhathu Vhawе vha vhulenda, U do dzumbulula zwiphiri zwa zwithu zwiḥulu zwa Mudzimu, khavho. Ni a zwi vhona? [Tshivhidzo tshi ri, “Amen.”—Mudz.]

³³ Zwino, zwino, Abrahamu o vha a khou tea u vha mulaifa wa shango. Nga... Mbeu ya Abrahamu tshaka dzothe dzo vha dzi

tshi khou tea u fhaṭutshedzwa. Ngauralo Mudzimu a tsela fhasi nahone a amba nae, kha tshivhumbeo tsha Muthu.

Zwino, Mudzimu o dzula a kha liphasi. Mudzimu ha athu u ṭutshela liphasi. Arali A vhuya a ṭutshela liphasi, a thi ḋivhi uri hu nga itea mini khalo. Fhedzi Mudzimu o dzula a henefha kha tshiñwe tshivhumbeo. Oo, thendo kha Dzina Ławe!

³⁴ O vha a na vhana ngei sogani, vha tshi bva Egipita, kha tshivhumbeo tsha Tshedza. O amba na Abrahamu kha tshivhumbeo tsha Muthu. O amba na Mushe kha tshivhumbeo tsha Muthu. O amba na Tshivhidzo kha tshivhumbeo tsha Muthu, Murwa Wawe, Kristo Yesu.

Nahone U khou amba nga Tshivhidzo Tshawe ḥamusi, nga Tshivhidzo tsho ḥoliswaho tsha Mudzimu a tshilaho, nga midzio ya vumba. “Vhoinwi ni matavhi. Nne ndi Mułokola.” Mudzimu u kha di amba, nahone shango li vhona Yesu musi ni tshi Mu sumbedza. Ndi yone ḥila ine shango la vhona... “Vhoinwi ni luñwalo, lu vhaliwaho nga vhathu vhothe.” Vhutshilo hanu vhu amba zwine na vha zwone.

³⁵ Zwino, hoyu Abrahamu ḥilani yawe, a tshi khou humela murahu. Ri khou ya u humela murahu huno ra vhala ngae lwa tshikhalyana, kha Bugu ya Genesi. Kha ndima ya vhu¹⁴ ya Genesi, ndi a tenda uri ndi yone. Oo, ndi tshiṭori tsha vhudzi hani afha! Zwino, rothe ri a ḋivha nga ha Abrahamu, uri Mudzimu o mu vhidza hani u bva kha shango la Vhakaladea na dorobo ya Ur, nahone a mu vhidza uri a ḥifhandekanye na vhashumisani vhawé.

Mudzimu u vhidza vhanna kana vhasadzi, O ḥoda phandekano.

³⁶ Zwino, heyo ndi yone khakhathi kha zwivhidzo ḥamusi, a vha ḥodi u ḥifhandekanya na vha ḥama vha kale vhadzi-... vhadzia u sa tenda. Ndi ngazwo ri sa koni u ya phanda. Ri tou dzhena kha muelelo wa ḥama, nahone ra—ra ri, “Oo, Jim ndi muñhannga wa vhudzi, arali a tshi ḥwa. Arali a... Huno ndi ya nae kha lufhera lwa u tambela sinukha, fhedzi a thi tambi sinukha. Ndi—ndi—ndi ya nae dikiṭani. Vha amba miswaswo ya tshika, na zwiñwe zwinzhi, fhedzi nne a thi ambi na muthihi.”

³⁷ “Ibvani vhukati havho.” Ndi zwone. “Difhandekanyeni. Ni so ngo kwama zwithu zwavho zwi so ngo kunaho, huno Ndi do ni ḥanganedza,” Murena u ralo. “Ni so ngo bađekanywa na vha sa tendi, u bađekanywa lu eđanaho.” Ni so ngo zwi ita. Ḫifhandekanyeni.

³⁸ Huno Mudzimu a vhidza Abrahamu uri a ḥifhandekanye kha mitupo yothe, nahone a tshimbile na Ene. Mukomana, tshiñwe tshifhinga zwi amba u ṭutshela tshivhidzo. Zwo amba zwenezwo kha Paulo. O tea u ṭutshela tshivhidzo tshawe. Zwo amba zwenezwi kha vhanzhi. Tshiñwe tshifhinga zwi amba u ṭutshela haya. Tshiñwe tshifhinga zwi amba u ṭutshela khotsi na mme, u

ṭutshela zweṭhe. A thi khou amba uri zwi ralo tshifhinga tshoṭhe, fhedzi tshiňwe tshifhinga zwi a ralo. Zwi amba uri ni khou tea u dzhia zweṭhe zwi re vhukati hanu na Mudzimu, na tshimbila Nae ni noṭhe. Oo, uvho ho fhaṭutshedzeyaho, vhudavhidzani vhu difhelelaho, uvho vhuledzani vhune na vha naho musi ni tshi difhandekanya na zwithu zwa shango na vhatendi vha ḥama vhane vha khou tamba nga inwi, na tshimbila ni noṭhe na Kristo!

³⁹ Ndo no livhuwa Mudzimu lungana! O ri, “Ndi ḥo u ḥeya vhokhotsi na vhomme kha leneli shango. Ndi ḥo u ḥeya dzikhonani na vhashumisani. Nahone A thi nga vhuyi nda u ḫutshela, nahone A thi nga u laṭedzi. Naho shango loṭhe ḥa u rembutshela, Ndi ḥo tshimbila na iwe, u swika magumoni a ndila.”

⁴⁰ Tshikhala tsha vhudi hani, tshine muthu a vha na uvho vhukondi ha u tevhela Murena Yesu, ha u difhandekanya kha zwiṭumanywaho nae zwawe zwa ḥama, uri a tevhele Murena. Huno arali muthu a vhonala a sa difari zwavhuḍi, na u disumbedza sa Vhakriste, fhedzi vha funa zwithu zwa ḥama, ndi khwiñe ni tshi ṭoda muṛwe mufarisi nga u ṭavhanya. Ndi zwone. Huno arali hu si na ane a ṭoda u tshimbila na inwi, hu na Ane o fulufhedzisa u tshimbila na inwi. Uyo ndi, Murena Yesu mufhaṭutshedzwa, U ḥo tshimbila na inwi.

⁴¹ Mudzimu o vhudza Abrahamu u, “Difhandekanye.” Nahone vhunga Abrahamu a muthu sa zwenezwo, a dzhia baba wawe a ḥuwa navho, a dzhia murwa wa murathu wawe a ḥuwa nae, muduhulu wawe; vhothe vho dowelana. Huno Mudzimu a si mu fhaṭutshedze u swika a tshi ita zwe Mudzimu a mu vhudza uri a ite.

⁴² A thi khou ri a ni Mukriste. Izwo, a thi ambi uri mukene a si mukriste. Fhedzi ndi ḥo amba hezwi, uri arali Mudzimu a ni vhudza uri ni ite tshiňwe tshithu, Ha nga vhuyi a ni fhaṭutshedza u swika ni tshi zwi ita. Ndi kha phuluphithi madekwana a ḥamusi na zwiňwe zwa hezwo zwithu zwo mpfarelelaho. Miṭangano yanga a i ngo vha nga ndila ine ya tea u vha ngayo, lwa miňwaha mivhili yo fhiraho. Ndi ngauri ndo khakhela Murena. O mmbudza uri, “Ndi ye Afurika, u bva heneffo ndi ye India.” Khezwi afha, zwo ḥwaliwa hafha, nga murahu ha heyi Bugu, zwino.

⁴³ Mulanguli o mpfounela, a ri, “Tendela ayo Mavhuru a ḥuwe. India yo lugela.”

⁴⁴ Muya Mukhethwa wa ṭangana na nne, wa ri, “U ḥo ya Afurika sa zwe Nda u vhudza.”

⁴⁵ Huno muṛwe ḥwaha wa fhira. Huno vhalanguli... Ndo hangwa Ngazwo. A ri, “Ri khou ya India. Thikhithi dzo lugela hafha.”

⁴⁶ Nda thoma, nda Zwi hangwa u swika ndi tshi swika Lisbon. Vhuṛwe vhusiku, izwo, ndo elekanya uri ndi khou fa. Matsheloni

o no tevhela nda thoma, nda ya lufherani lwa u ḥambela, uri ndi ṭambe. Oo, ndo vha ndi tshi khou lwala nga maanda, ndi tshi kundelwa na u tou ima. Henefho, itscho Tshedza tsho nembelela henefho lufherani lwa u ḥambela, tsha ri, “Ndi elekanya uri Ndo u vhudza, ‘Tshimbila Afurika, u thoma.’”

⁴⁷ Miṭangano yanga yo kundelwa zwiṭuku nga zwiṭuku u bva zwenezwo. Naho ndo ya India, hu na hafu ya milioni yo imaho henefho, fhedzi izwo ho vha hu si u ita zwe Mudzimu a amba uri ndi ite. Ndi pfa uri miṭangano yaṇu a i nga vuledzi u swika ndi tshi humela murahu nahone nda dzudzanya zwithu. Hu si na ndavha na zwine nda ita, ndi Afurika, u thoma, ngauri ni tea u zwi ita. Afho ho dzula Ippi la Mudzimu la u ya Nga Hu Sa Pheli, ḥo dzula henefho. Ndi diṭha khwiṇe u fhira hezwo. Fhedzi ndi khou tea u humela murahu. Huno ndi pfa uri hoyu ḥwaha u ḥaho ndi tshifhinga tshine nda do bva gwatini, nga thuso ya Murena.

⁴⁸ Haya a vhugala, Mafhuno madifha a kale o aluwaho zwo leluwa, vhunga muri wa muouku, fhedzi ndi a tenda uri wo lugela u ḥaramudza matavhi awo zwino. Ndi a tenda wo ralo, hoyu Mulaedza muhulu na zwithu zwiḥulu, ndi tenda uri Murena u do ri tendela ra dzinginyisa shango hafhu u itela vhugala ha Mudzimu.

⁴⁹ Ni tea u ita zwe Mudzimu a ni vhudza uri ni ite. Huno Abrahamu a isa phanda, a dzhia mashaka awe. O vha a tshi vha funa. Itscho ndi tshipida tsha muthu. Fhedzi nga murahu ha tshifhinganyana, tshifhinga tshiṭuku, khotsi awe vha fa nahone a vha swiṭa. Zwenezwo a sala na muḍuhulu wawe, zwenezwo tsemano na u ḥaṭa zwa bvelela. Huno, mafheleloni, Loto a khetha nahone a tsel a phasi Sodoma. Huno no lavhelesa Abrahamu, ho ngo ḥaṭa na ḥoto. O ri, “Ri vharathu. A ri tei u ḥaṭa. Fhedzi takusa ḥoho yau nahone u ye huṇwe na huṇwe hune wa ḥoda u ya hone. Arali wa ya vhubvaḍuvha, ndi do ya vhukovhela. Wa ya devhula, ndi do ya tshipembe.” Ayo ndi maitele a Mukriste, ni tea u funa u neya muṇwe muthu zwithu zwa khwiṇe. Dzulelani u zwi diṭhisa khae, ni mu tendele a khethe.

⁵⁰ Ngani? Ndi mini tsho itaho uri Abrahamu a zwi ite? O zwi diṭha uri o fulufhedziswa nga Mudzimu uri u do vha muḍaifa wa zwithu zweṭhe, naho zwo ralo. Amen. Ngauralo, zwenezwo, dennde kana mutumba, ndi ngani ri tshi tea u vha na ndavha? Zweṭhe ndi zwashu. “Mashudu vha vhulenda ngauri vha do vha vhaḍaifa vha lifhasi.” Ndi ḥashu ḥoṭhe. Mudzimu o ralo. Ngauralo neani muthu u nanga ha khwiṇe, arali a tshi khou ḥoda u ralo. Khaṇwe ndi zwenezwo fhedzi zwine a do zwi wana. Fhedzi ndi zwaṇu zweṭhe, vhaḍaifa vha u tshidzwa nga pfulufhedziso. Ndi zwaṇu zweṭhe.

⁵¹ Ngauralo, Sara, musadzi wa u naka nga maanda shangoni, a dzula ḥaṭha hafho tshikwarani na munna wawe sa zwine a tea

u ita. O vha a wa vhuvha ho doweleyaho, zwo luga, a nga vha o vha a na tshiambaro tshi so ngo khavhiswaho, kana zwenezwo zwine na khou ḥoda u tshi vhidza. Musi, Vhomme. Loto vha tshi khou ambara sa ramabilioni. Huno munna wawe o vha a mulanga dorobo. O vha a muhaṭuli ane a dzula khoroni. O vha a na tshiñwe na tshiñwe; a tshi dzhenelela miṭangano ya u runga yoṭhe na madikiṭa a magaraṭa e a vha a hone a tshi tambiwa Sodoma na Gomora. Fhedzi Sara o takadzwa zwiḥulu nga u tshila na mukalaha wawe kha u ṭahelelwa nga zwithu zwa ndeme, nahone a zwi divha uri u kha lufuno lwa Mudzimu, u fhira u diphina nga lupfumo lwa, kana, mudifho wa lupfumo lwa tshikhalaṇyana. Ndi zwone. Ndi hone Mudzimu a tshi dala.

⁵² Huno liñwe ḫuvha, inwi, vhunga ni tshi ralo u dzhia ndila i si yone, ni do ḫangana nazwo liñwe ḫuvha. Ni nga elekanya uri ni do luga. Ni nga elekanya uri ni khou ponya, fhedzi a ni khou ralo. Zwi nga vhonala vhunga zwo tibedzwa zwoṭhe, fhedzi a zwo ngo tibedzwa. Mudzimu u ḫivha zwithu zwoṭhe. U ya ḫivha arali u ḫibula hanu ni khou hu amba ngangoho kana hai. U ya zwi divha arali ni tshi khou ri ni a Mu tenda ngangoho nahone no tshidzwa, na u Mu ḫanganedza, nahone no fa kha zwithu zwa shango, huno ni tshi tshila kha Kristo. Izwo U ya zwi ḫivha.

⁵³ Zwino, ri vhona Abrahamu, ndi khou ḥoda ni tshi vhona hoyu maya wa vhukuma. Oo, zwithu zwifhaṭutshedzwa zwo fhelelaho hafha ndi tshilidzi. Ndi khou ḥoda ni tshi vhala na nne kha ndima ya vhu¹⁴ ya Ekisoda, lwa tshikhalaṇyana.

⁵⁴ Zwino, tshithu tsha u thoma u itea musi vha tshi swika fhasi hafho, Loto a dzhena khakhathini. Ngani? O vha a nn̄da ha lufuno lwa Mudzimu. Huno arali na dzhena khakhathini musi ni kha lufuno lwa Mudzimu, Mudzimu u do ni thusa. Fhedzi arali ni khakhathini, nn̄da ha lufuno lwa Mudzimu, hu tou vha ni tshithu tshithihi tshine na tea u ita, humelani murahu hafhu kha lufuno lwa Mudzimu.

⁵⁵ Zwino, mahosi a ḫikuvhanganya, huno vha zwi vhona uri midavhi fhasi hafho yo sheledzwa zwavhudī, nahone vha do sokou tsela fhasi huno vha dzhia Sodoma heyi ḫukhu ya kale, Gomora, vha i dzhia. Huno vha ralo. Huno musi vha tshi tsela fhasi huno vha i dzhia, vha dzhia na Loto.

⁵⁶ Ndi khou ḥoda ni tshi limuwa Muya wa Kristo hafha kha Abrahamu. Zwino lavhelesani kha ndimana ya vhu¹⁴.

*Huno musi Abrahamu a tshi pfa uri murathu wawe...
(Ni khou zwi wana?) ...murathu wawe o thubiwa, a
lugisa vhalanda vho pfumbudzwaho, vho bebelwaho
nduni yawe, vha madana mararu na fumimalo, huno a
vha tevhela u swika Dani.*

⁵⁷ Oo, ngelekanyo-de nandi dza tshilidzi! Abrahamu, musi murathu wawe, naho o wa kha tshilidzi, naho a kha nyimele ya u gunea; musi a tshi pfa uri shango lo mu zhondokedza, nahone lo

mu fara huno la ḥuwa nae, uri li mu vhulaye, Abrahamu a ita zwi tshi tevhela Muya wa Kristo. A da a ḥama vhanna vhawé vhoṭhe vhe vha bebwá nduni yawe, nahone a vha tevhela, nahone a vha tevhela ndilani yoṭhe u swika Dani. Huno Dani ndi tshipida tsha bvungwi ha Palestine, “Dani u swika Beer-sheba,” u bva kha mañwe magumo u ya kha mañwe. Huno zwi fanyisa Kristo, musi a tshi vhona uri shango lo dzhia... o wa, O tevhela swina u swika magumoni, uri a ḥanganedze hafhu lushaka lwo waho lwa Adamu.

⁵⁸ Ndi khou ḥoda ni tshi lavhelesa ndimana yo no khou tevhela, uri Muya wo amba khae zwavhudí hani. Zwo luga, ndimana ya vhu15 zwino.

Huno a vhuya na thundu dzoṭhe (dzothe), nahone a vhuya hafhu na murathu wawe ḽoto, na thundu dzawe, na vhasadzi-vho, na vhathe.

⁵⁹ Musi Abrahamu a tshi tevhela swina le la dzhia murathu wawe, o li tevhela hoṭhe u mona na lushaka, u swika Dani, nahone a vhuya murahu na zwithu zweṭhe zwe a xeelwa ngazwo kha u wa.

⁶⁰ Tshifanyiso tshavhudí hani tsha Kristo, We a pfa a ngei Tađulu uri ro xela huno a da a tevhelela swina, ndila yoṭhe u ya heleni, huno a dzhia mimuya yo xelaho nahone a i vhuisa murahu huno a ri vhuyedzedza kha zwithu zweṭhe zwe ra vha ri nazwo phanda ha u wa! Rine, ro guneaho, rine vhe ra vha ro bebelwa u vha vharwa vha Mudzimu, ra shandulwa ra vha vharwa vha diabolo, nahone ra itwa...ra tevhela zwithu zwa shango, nahone ra khakha, huno ra gidima lu ṭungufhadzaho sa zwe ḽoto a ita, ri tshi rengisa pfanelo dzashu dza mbebo nahone ri tshi tevhela zwithu zwa shango. Kristo o tsela fhasi. Naho ro wa; Mudzimu, a tshi divha u bva u rangani uri ndi nnyi ane a do tshidzwa nahone ndi nnyi a sa do tshidzwaho, zworalo a tsela fhasi nahone a tevhela swina vhutshiloni, lufuni, pharadisoni, a ya heleni. Huno ndila yoṭhe u bva Vhugalani u ya heleni, nahone a dzhia one—one maanḍa a hele, na khoṇo kha diabolo, huno a vuwa hafhu, huno a vhuyedzedza kha lushaka lwa muthu, uri vha kone u vha vharwa na vhananyana vha Mudzimu hafhu.

⁶¹ Ni a vhona Muya ngomu ha Abrahamu afho, Muya wa Kristo u tshi khou tshimbila nae?

⁶² Zwino ndi khou ḥoda ni tshi lavhelesa phandanyna, musi ri tshi ralo u vhala.

Huno khosi ya Sodoma ya bva uri i ḥangane nae phanda ha musi a tshi vhuya kha bulayo la heyi khosi Khedorolaomere, na... mahosi... vho vha vha nae, ngei muedzini wa Shave, une wa vha govha la khosi.

⁶³ Vha bva. Khosi ya Sodoma ya vhuiswa murahu. Murathu wawe a vhuiswa murahu. Vhana vha vhuiswa murahu. Huno ha bva mahosi afha uri a ḥangane nae. Huno, hafhu, hafha ndi

hone hune nda khou ḥoda u swika hone, kha mulaedza zwino. Lavhelesani hafha.

Huno—huno Melikesedeke, khosi ya Salema (Khosi ya Yerusalem, Khosi ya mulalo) a bvisa vhurotho na veini: nahone o vha a tshifhe wa Mudzimu wa ṭadulu.

Huno a mu fhaṭutshedza, nahone a ri, Mufhaṭutshedzwa ndi Abrahamu wa Mudzimu wa ṭadulu, musiki wa maṭadulu na liphasi:

⁶⁴ Melikesedeke, Khosi ya Salema, o Difanyisa vhukati ha maṇwe mahosi. Huno lavhelesani, nndwa yo vha yo fhela, Muya wa Mudzimu kha Abrahamu, wa Kristo, we wa vhuisa murahu murathu wawe o waho, zwenezwo wa mu vhuyedzedza murahu kha vhuimo haweha ha vhukuma, kha zwoṭhe zwe a lozwa. O zwi vhuisa murahu. Huno musi a tshi ralo, A bvisa vhurotho na veini, tshilalelo. A ni koni u vhona uri uyu Melikesedeke o vha a Nnyi? Ho vha hu Mudzimu. A bvisa tshilalelo, nga murahu ha nndwa.

⁶⁵ Zwino kha ri vule hafhu, kha Mateo 26:26, nga u ṭavhanya, huno ri vhone zwe Yesu a amba hafha malugana nazwo. Kha Bugu ya Mateo, ndima ya vhu²⁶ nahone ndimana ya vhu²⁶, ri khou ḥoda u vhala zwiṭukunyana hafha. Zwo luga, Mateo 26:26.

Zwenezwo Yesu a bvelela navho fhethu hu no vhidzwa u pfi Golgotha, Golgotha, kana, Getsemane, ndi ḥoda u ralo, huno a amba na vhafunziwa vhaweha, Dzulani ḥafha, musi ndi tshi ya u rabela.

⁶⁶ Ndi tenda uri ndo wana Luniwalo lwo khakheyaho. Mateo, yone ya vhufumbili-...ndimana ya vhu²⁶ ya ndima ya vhu²⁶. Arali muṇwe muthu a nayo, mmbaleleni yone, arali ni—arali ni tshi kona u i wana. Nga mitininyana. Itshi ndi tshifanyiso tsha vhudi hafha. A thi ḥodi ni tshi pfukwa ngazwo. Khezwi ri fhano. We a i wana, khaladži.

Huno musi vha tshi khou la, Yesu a dzhia vhurotho, nahone a vhu rabelela, . . .

Ho vha hu mini? Nndwa yo vha yo fhela.

. . . a vhu nwatekanya, huno a vhu ḥetshedza vhafunziwa vhaweha, nahone a ri, Dzhia, huno ni le; hoyu ndi muvhili wanga.

⁶⁷ Ni a vhona uyo Melikesedeke? Miṇwaha ya mađana phanda ha izwo, musi A tshi ṭangana na Abrahamu, murahu ha musi nndwa yo fhela, O ḥetshedza vhurotho na veini. Huno afha Yesu u ḥeya vhafunziwa, murahu ha musi nndwa Yawe i kondaho yo fhela, O vha ḥeya vhurotho na veini. Lavhelesani. Lavhelesani u Vhuya hu ḥaho.

Huno a dzhia khaphu, huno—huno a ḥetshedza ndivhuwo, nahone a vha ḥeya, a tshi ri, Nwanī yoṭhe;

Ngauri haya ndi malofha anga a mulanga muswa, o shulutshelaho . . . zwivhi na u hangwelwa zwivhi.

Fhedzi Ndi ri kha vhoinwi, A thi tsha do ñwa zwa hoyu mutshelo wa veini, u swika iļo duvha musi Ndi tshi ñwa hafhu na vhoinwi muvhusoni wa Khotsi anga.

⁶⁸ Ri nndwani zwino. Ri khou tevhela murathu washu o waho, we Mudzimu, musi shango li sa athu u sikwa, a mu vhona nahone a mu tela Vhutshilo Vhu Sa Fheli. Huno zwithu zwa shango two mu gavha nga tshiḍumbumukwe. U nnda tshitshavhani na kha dzikilasi, ene na mufumakadzi wawe, u khou tshimbila a tshi tsa a tshi gonya na zwiṭaraṭa, u khou daha na u ñwa na u kambiwa, a tshi lingedza u wana mulalo. Huno Muya wa Kristo u ngomu hashu, vhunga wo vha u ngomu ha Abrahamu, ri khou mu tevhela. Na mapfumo othe a Mudzimu, Vharunwa vha Mudzimu vho mona na riñe, ri khou ya u vhuya na murathu o waho.

⁶⁹ Huno musi nndwa i tshi fhela, ri do ṭangana na Melikesedeke hafhu, Mudzimu nga rendwe, We a fhaṭutshedza Abrahamu hafho, nahone a mu neya phaṭutshedzo, huno a mu neya vhurotho na veini, tshilalelo. Huno musi nndwa i tshi fhela, ri do ṭangana Nae. Riñe vhaṭaifa vha pfulufhedziso ya Abrahamu, ri vhaṭaifa na Kristo Muvhusoni, ri do ṭangana Nae magumoni a ndila, nahone ra dzhia vhurotho na veini, hafhu, musi nndwa yo no fhela.

⁷⁰ Oyu Melikesedeke ndi nnyi? “Ene a si na khotsi, a si na mme, ha na mathomo a mađuvha kana magumo a vhutshilo.” U do vha a hone Afho uri a ri neye tshilalelo hafhu. Ni khou zwi wana? [Tshivhidzo tshi ri, “Amen.”—Mudz.]

⁷¹ Musi ri tshi fhedza, kha manwe masiku, musi ri tshi kuvhangana nahone ra la tshilalelo u bva kha zwanda zwa vhashumeli, zwi tshi sumbedza uri ri tenda kha lufu, u swiṭwa, na muwo ya Murena Yesu, ulwo luvhemba, muvhili Wawe we A vha o fukedzwa ngawo, Mudzimu, ri a tshi la, sa tshifanyiso, “Ro fa kha zwithu zwa shango, nahone ro bebwa nga huswa nga Muya.” Huno ri tshimbila na Muvhili wa Kristo, vhatendi vhoṭhe nga tshavho.

⁷² Musi nndwa khulu yo fhela, nahone ra bvelela hafhu na Kristo, ri do la tshilalelo Nae Muvhusoni wa Mudzimu, nga huswa; nahone ra la nama, na u ñwa malofha a ndirivhe hafhu, Muvhusoni wa Mudzimu. Oo! Khoyo Melikesedeke. Ndi Zwe a vha A zwone.

⁷³ Zwino kha ri vhale ri ise phandanyana Ngae hafha, na ndimana ya vhu18.

Huno Melikesedeke khosi ya Salema o bvisa vhurotho na veini: . . . (Ni khou zwi wana?) . . . nahone o vha a tshifhe wa Mudzimu wa ḥadulu.

*Huno a mu fhaṭutshedza, nahone a ri,
Mufhaṭutshedzwa kha hu vhe Abrahamu wa Mudzimu
wa ṭadulu, musiki wa maṭadulu na liphasi:*

Huno a mu fhaṭutshedza, . . . Huno a fhaṭutshedza . . .

*Nahone kha hu rendwe Mudzimu wa ṭadulu, we a
kumedza maswina au zwandani zwau. Nahone a mu
n̄eya tshone tshafumi tsha zwoṭhe.*

O fha Melikesedeke tshafumi. Abrahamu o Mu fha tshafumi tsha thundu.

⁷⁴ Zwino ndi khou ṭoda ni tshi limuwa Paulo hafha samusi a tshi bvela phanda, ndi khou n̄eya mutheo u itela ngudo i daho zwino.

*Huno khosi ya Sodoma ya amba na Abrahamu, N̄neye
vhathu, huno u dzhie thundu dzi vhe dzau.*

Zwino, khosi ya Sodoma yo ri, “Zwino, itou mpha vhashumeli vhanga, huno u dzhie thundu dzi vhe dzau.”

*Huno Abrahamu a amba na khosi ya Sodoma, ndo
imisela tshanda tshanga n̄tha kha MURENA, Mudzimu wa
ṭadulu, . . .*

El Elyon, “musiki wa maṭadulu na liphasi,” henefho.

*. . . Mudzimu wa ṭadulu, musiki wa maṭadulu na
liphasi,*

*Uri a thi nga dzhii tshithu na tshithihi u bva kha
harane u swika kha luzwa lwa navhula, . . .*

O vha a si na khampheini khulu ya u dzhia tshelede. O vha a tshi khou tou ṭoda murathu wawe o waho.

*. . . na uri A thi nga dzhiyi tshithu tshau, u sa do ri,
ndo pfumisa Abrahamu:*

*Ndi do vhulunga fhedzi zwe vhanna vhaswa vha la, na
tshipida tsha vhanna vhe vha ṭuwa na nne, . . .*

⁷⁵ Zwino, ndi khou ṭoda ni tshi limuwa, Abrahamu o ri, “A thi nga dzhii na tshithihi u bva kha harane u swika kha luzwa lwa navhula.” Ho ngo dzudzanya nndwa, uri a ite tshelede nnzhi. Huno nndwa dza vhukuma nahone dza ngoho a dzi itwi nga zwipikwa zwa tseḍa. Nndwa a dzi lwiwi hu tshi itelwa tshelede. Nndwa dzi lwelwa hu tshi khou itelwa—hu tshi khou itelwa zwipikwa, milayo. Vhanna vha lwa nndwa vha tshi itela milayo. Huno musi Abrahamu a tshi ya u dzhia Loto, ho ngo ya ngauri o vha a tshi zwi ɖivha uri a nga rwa mahosi nahone a dzhia thundu dzavho dzoṭhe, o ya a tshi khou itela mulayo wa “u tshidza murathu wawe.”

⁷⁶ Huno mushumeli o rumiwaho fhasi ha ṭhuṭhuwedzo ya Khosi ya ṭadulu, ha nga tevheli tshelede; nahone ha nga tevheli u vhumba zwivhidzo zwihulu, nahone ha nga ṭodi u ṭuṭuwedza dzidinomineisheni. U do ya a tshi khou tevhela mulayo muthihi,

nahone uyo ndi, "U vhuisa murahu murathu o waho." Kana u ya wana ngwende kha munikelo kana ha i wani, a zwi nga iti phambano khae.

⁷⁷ Vhunga ndi tshi ri, "Nndwa dza vhukuma dici lwiwa na u kaliwa u itela milayo nahone hu si tshelede." Huno vhanna na vhasadzi vhe vha vha mirado ya tshivhidzo nahone vha da tshivhidzoni, uri vha divhey, ngauri *Vhajone* vha wela heneffho, kana vha shandukisa tshivhidzo tshavho u bva kha tshivhidzo tshițuku u ya kha tshivhidzo tshihulu, ni khou zwi itela tshipikwa tshanu tsha tseda nahone mulayo wone a u ho murahu hazwo. Ni tea u funa u ima phanda nndwani.

⁷⁸ Hafha thaberenakeleni, musi zwithu zwi tshi khakhea, nahone vhoiñwi vhanna na vhoiñwi vhasadzi ni do gidima na ya huiñwe fhethu, kana na dzula u swika u tata huñuku kana phambano i tshi fhela, hu na zwithu zwe khakheyaho kha tshenzhemo tshañu. Ndi zwone.

⁷⁹ Ri na maitele hafha. Ri na yone—ri na nzudzanyo hafha. Tshino tshivhidzo tsho ditika nga milayo ya Bivhili. Arali hu na muñwe muthu ngomu hafha a si khou tshila zwone, na elekanya uri a vha khou ralo, ni ya khae huno na amba nae. Arali na kundelwa u mu vhuvedza, zwenezwo ni dzhia muñwe murathu na tuwa nae, muthihi kana vhañwe vhavhili. Arali a sa vhuvedzedzwa hafho, zwenezwo zwi vhudzeni tshivhidzo. Huno tshivhidzo tshi do mu bvisa, tshi si tsha vha na vhuledzani nae. Huno Yesu o ri, "Tshini na tshini tshirena vhofholola kha lifhasi, Ndi do tshi vhofholola Tađulu."

⁸⁰ Ndi ngazwo ni na khakhathi nnzhi, ndi ngauri a ni tevhedzi milayo ya Bivhili. Arali muñwe muthu tshivhidzoni a tshi khou thithisa, kana tshinwe tshithu tshi sa khou tshimbila zwone, a si mushumo wanu u ya na amba nga uyo munna kana uyo musadzi. Ndi mushumo wanu u ya kha hoyo munna kana musadzi, na mu vhudza vhukhakhi hawe. Huno arali a sa ni thetshelesa, dzhiani muñwe ni ye nae. A sa pfa hezwo, zwenezwo tshivhidzo tshi a mu vhofholola. Yesu o ri, "Zwine na vhofholola kha lifhasi, Ndi do vhofholola Tađulu. Zwine na vhofha kha lifhasi, Ndi do vhofha Tađulu." Ayo ndi maanda a tshivhidzo.

⁸¹ Hafha a si kale, khonani yanga ya vhuđi ya mureri, o vha a na mutukana, huno hoyo mutukana o vha a tshi khou ya tshivhidzoni, tshivhidzo tshawe ene muñ. A swika fhethu he a thoma u gidima na musidzana muhulwanenyana ane a daha na u ñwa na zweþhe. Mureri a ri, "Zwo tou ralo, ndi thaidszo yawe." Khonani yanga ya tsini, nahone mutukana wa vhuđi. Fhedzi a thoma u tama muñwe musadzi muswa; huno o vha o maliwa, a na vhana, munna wawe o vha a tshi khou tshila. O vha o tshuwa uri vha khou ya u... uyo mutukana u do mu mala. Ngauralo, murathu a vhaisala nga maanda. Huno a amba na nñe a ri,

“Mukomana Branham, ndi khou Ძoda u tshi ya kha mutukana wanga *mukene-mukene*. Ndi khou Ძoda u tshi amba nae.”

⁸² Nda ri, “Mukomana . . .” Ndo Ძoda u amba dzina lawe. “U na ndila ya khwiñe. U so ngo rumela nne. Arali mutukana a sa khou tshila zwone, nahone tshivhidzo tsho mu vhona a tshi khou ita zwo khakheyaho, zwenezwo zwi kha tshivhidzo uri tshi ite hoyu mushumo. Izwo zwo sala kha tshivhidzo. Huno tshivhidzo tsha ya nahone tsha mu vhudza.”

⁸³ Ngauralo a dzhia murathu, huno a ya nahone a mu vhudza. Huno a vhuya murahu kha murathu, a mu vhudza uri u khou vhonana na mushumo wawe, uri a ite zwithihi. A dzhia muñwe murathu, vhañwe vhavhili, madikoni mavhili a Ძuwa huno a vhudza mutukana. A sa zwi thetshelese. Vha zwi vhudza tshivhidzo. Huno a si de lwa masiku o vhalaho, uri a pfumedzane na tshivhidzo murahu ha musi tshivhi tshawe tsho ambiwa phanda ha tshivhidzo. Zwenezwo, tshivhidzo tsha mu vhofholola.

⁸⁴ Huno ho no fhela Ძwedzi u bva zwenezwo a farwa nga mutetemelo, nahone dokotela Ძa ri, “A hu na tshikhala shangoni tsha uri a tshire.” Zwenezwo a kokovha a tshi vhuya murahu. Mudzimu u ya divha uri u zwi ita hani.

⁸⁵ Ri lingedza u zwi ita nga riñe vhañe, “Oo, ni tea u pandela *mukene na mukene* vha bva tshivhidzoni. Ni tea u ita *hezwi, izwo*, kana *zwiñwe*.” Naa no ita tshipida tshanu sa tshivhidzo khazwo? Khezwo-ha. Ndi yone ndila ya u vha ita uri vha kokovhe vha tshi vhuya murahu, tshiñwe tshifhinga vha sukumedzeleni kha diabolo.

⁸⁶ Paulo o vha a tshi do ri mini nga uyu muthu fhasi afho we a vha a tshi khou tshila na mmane wawe? Vha nga si mu pfumelele. O ri, “Mu litsheleni diabolo.” Ni lavhelese zwine zwa itea. Huno kha vhurifhi hu no tevhela he Paulo a vhu Ძwala, hoyu muthu o dzudziwa ndilani yone. Zwo tou ralo. Mudzimu u na ndila ya u ita hezwi zwithu, arali ra nga tou tevhela milayo Yawe.

⁸⁷ Arali zwiñwe zwithu zwi si tshimbile tshivhidzoni, arali zwi vhukati ha tshivhidzo, muñwe na muñwe wa vhoiñwi vharathu. Arali zwi kha bodo ya madikoni, muñwe wa vhoiñwi madikoni a sa khou difara zwone, mañwe madikoni a ya ña huno a fara muñtangano, a lingedza u vhuisa murathu, a mu vhudza zwine a khou ita; kana muñwe wa vhoiñwi mirado, ni nga vha ni nnyi kana nnyi. Zwenezwo zwi tea u ñiswa phanda hawe. Arali a sa do zwi ita, zwenezwo ni ña na vhudza mufunzi. Zwenezwo, u ya vhofhololwa kha tshivhidzo, huno ni mu litshe a vhe mudzia u sa tenda na muñwe wa tshitshavhani. Zwenezwo ni lavhelese Murena a tshi ya u shuma khae. Ni a vhona, ndi hone a tshi vhuya murahu kha ene muñe. Ndi hone a tshi thoma u kokovha a tshi vhuya. Fhedzi ri lingedza u zwi ita nga riñe vhañe, ni a divha, u

lingedza u ita zwa . . . zwo^{the} nga ndila ine ra ita ngayo, zwino, a ri vuledzi.

⁸⁸ Zwino, hoyu Melikesedeke, Khosi ya Salema, Mukololo, Tshifhe wa ngei N̄tha Tādulu, o ḥangana na Abrahamu nahone a mu fhaṭutshedza. Huno a Mu fha tshafumi tshawe, Abrahamu o ralo. Huno O vha a Khosi ya Salema. Huno A bvisa vhurotho na veini, tshilalelo, huno a tshi ḥneya Abrahamu nga murahu ha nndwa, nga murahu ha musi vhathe who wanelwa gundo.

⁸⁹ Zwino, “Nndwa dzo^{the},” vhunga ndi tshi ri, “dzi lwelwa milayo.” Zwino, arali ni na nndwa ḥukhu tshivhidzoni, i tea u vha ya mulayo wone. Ni tea u vha ni tshi khou lwela zwithu zwone. Nahone murađo muňwe na muňwe wa tshivhidzo u tea u ita izwo. Zwino, heyi pfunzo ndi ya tshivhidzo. Ndi zwone zwe ra dela zwone. Ndi zwone zwe nda imela zwone fhano. Ndi zwone zwe Ipfi la Mudzimu la ḥela zwone, ndi zwa tshivhidzo.

⁹⁰ Ni so ngo tendela tshithu na tshithihi tsha thivha tshino tshivhidzo. Arali zwa ralo, ni na mulanda, muňwe na muňwe wanu. Huno inwi, kha zwivhidzo zwanu two fhambanaho, arali hu na tshithu tshi no khou khakheya tshivhidzoni tshanu, ni na mulandu, ngauri ni mulavhelesi wa tshivhidzo. A zwi ho kha mufunzi. A zwi ho kha bodo ya madikoni. Zwi kha inwi, inwi ni no^{the}, u ya kha uyo murathu nahone ni vhone arali ni tshi nga mu vhuyedzedza. Arali zwa sa ralo, zwenezwo dzhiani vhavhili kana vhararu ni ḥuwe navho, zwenezwo ni vhuye murahu. A sa pfa hezwo, zwi vhudzeni tshivhidzo. Zwenezwo a bviswa Muvhusoni wa Mudzimu. Mudzimu o ri, “Arali na mu bvisa hafho, Ndi do mu bvisa Hafha, arali no tshimbila nga kuitele.” Zwenezwo U do tendela diabolo a ya khae uri a mu fhaṭulule . . . u tshinyadzwa ha ḥama yawe. Huno-ha u do vhuya murahu. Ndi zwone. Ndi yone ndila ya u ita uri a vhuye murahu. Arali a ḥwana wa Mudzimu, u do vhuya murahu. Arali a sa ralo, ngani—ngani, u do isa phanda, huno diabolo u do mu rumela fhethu hawe ha u ya Nga ḥu Sa Pheli.

⁹¹ Zwino, zwipikwa zwazwo. Arali na tou zwi vhetshela muňwe muthu, zwenezwo izwo two fhambana. Fhedzi, arali muthu o khakha! Huno Loto o tsela fhasi nahone a gunea, naho o vha a Muhevheru. O tsela fhasi nahone o vha o gunea. O vha a kha tshilidzi, fhedzi o wa u bva khatsho. Huno musi a tshi ya . . . Huno Loto—Loto o vha o tshidzwa. Ni so ngo vhuya na elekanya uri Loto o vha a so ngo tshidzwa. O vha o ralo. Ngauri, tshifhinga tsho^{the} musi a fhethu ho khakheyaho, Bivhili i ralo, u ri, “Zwivhi zwa Sodoma two tshinya myua wawe muvhuya ḥuvha na ḥuvha.” Zwino, ḥama yawe yo vha i khou ita tshiňwe tshithu. Huno magumo awe o vha mini? O disa u nyadzisa. Mufumakadzi wawe o shanduka a vha tshiungā tsha muṇo. O vha na vhana nga vhananyana vhawe. Ngauralo, ni a kona u vhona uri zwi disa u nyadzisa ha hani, ngauri o wa kha tshilidzi nahone a sa tsha

divhuyedzedza murahu hafhu. Huno Mudzimu a tea u mu bvisa kha iło lifhasi.

⁹² Fhedzi, naho, o vha a murathu o waho, nahone Abrahamu o ita zweithe zwine a kona u mu vhuisa murahu. Huno Muya we wa vha u kha Abrahamu, ndi Muya wa Kristo une wa vha kha tshivhidzo ɳamusi. Hu si na ndavha na zwe murathu a ita, ni ḥo ita zweithe zwine na kona u mu vhuisa murahu kha vhuledzani ha Kristo hafhu. Hu si na ndavha na zwe a ita, ni ḥo lingedza nga nungo dzothe.

⁹³ Zwino, ri khou ṭoda u dovha ra lavhelesa hafha zwino, musi ri tshi khou ya phanqā na ino ngudo ya hoyu Melikesedeke, hoyu Mukololo muhulu wa Salema, nahone musiki wa Maṭadulu na lifhasi. Zwino, we a thoma:

*Ha na khotsi, ha na mme, ha na vhaḍuhulu, o vha a
si na mathomo a maḍuvha, kana magumo a vhutshilo;
fhedzi o vhumbwa sā Murwa wa Mudzimu; u dzula a
tshifhe lwa tshothe.*

Zwino lavhelesani. O vha a si Murwa wa Mudzimu, O vha a Mudzimu wa Murwa. O vha a si Murwa wa Mudzimu, Melikesedeke o vha a so ngo ralo, fhedzi O vha a Khotsi a Murwa wa Mudzimu.

⁹⁴ Zwino, hoyu muvhili we A vha a nawo, O tou sika. A u ngo bveledzwa nga musadzi. Zworalo nga uyo muvhili wo sikiwaho, O vha a sa koni . . . Muñwe muvhili we A u ita, Ene muñe, uri a Didzumbulule.

“A hu na muthu ane a kona u vhona Mudzimu na luthihi. Mudzimu ndi maya.” Maṭo a faho ha vholi izwo zwithu, nndani ha musi a kha tshivhumbeo tshi nga ho Khavhu ya Mułilo, kana tshini na tshini, kana kha tshivhumbeo tsha tshinwe tshithu tshe vha vhona nga bono. Fhedzi o . . . Mudzimu u tea u Didzumbulula nga inwe ndila. Huno Mudzimu o Didzumbulula kha Abrahamu, kha tshivhumbeo tsha muthu. O Didzumbulula kha Mushe, kha tshivhumbeo tsha muthu. O Didzumbulula kha vhana vha Isiraele, kha tshivhumbeo tsha Khavhu ya Mulilo. O Didzumbulula kha Yohane Mulovhedzi, kha tshivhumbeo tsha liivha. Ni a vhona, O Didzumbulula kha izwo zwivhumbeo.

Musi A tshi khou Didzumbulula kha tshivhumbeo tsha Muthu, sa Khosi ya Salema; ya Yerusalem; hu si Yerusalem la lifhasi, fhedzi Yerusalem ya Ṭadulu. O Didzumbulula kha itsho tshivhumbeo. O vha o vhumbwa “vhunga” Murwa wa Mudzimu.

⁹⁵ Zwino, Murwa wa Mudzimu o ḥa nga musadzi, uri a sikiwe hafha; nga mbumbelo ya musadzi, ngauri nga heneffo huthihi ho ḥa lufu.

⁹⁶ Huno O vha a nga si de nga tsiko vhunga zwe Mudzimu a ita u rangani. Musi Mudzimu a tshi vhumba muthu u rangani, musadzi o vha a si na vhukwamani nazwo. Mudzimu o sokou ri,

“Kha hu vhe na,” huno muthu a bva buseni. O mu vhidza, hu si na musadzi na muthihi wa u kwamana nazwo. Fhedzi, musadzi, nga itsho tshifhinga o vha a kha munna.

⁹⁷ Huno Mudzimu a dzhia musadzi u bva kha thungo ya Adamu. Ndi zwone? [Tshivhidzo tshi ri, “Amen.”—Mudz.] Huno musadzi o tuwa nahone a bveledza munna nga vhudzekani. Ngauralo nqila i yothe ine Mudzimu a kona u ita... O vha a nga si de nga uyo muvhili wa tshimuya. O vha a nga si de sa Melikesedeke. O tea u da sa Muthu, nahone O tea u da nga musadzi. “Mbeu yau i do pwasha thoho ya nowa, nahone thoho yayo i do luma tshirethe Tshau.” Ni a zwi wana? [“Amen.”] Mudzimu o tea u da nga musadzi; nahone A ralo, musi A tshi dzula kha muvhili Wawe wa Murwa Wawe, Kristo Yesu. “Mudzimu o vha a kha Kristo, a tshi khou vhuyedzedza shango kha Ene mune.” Nahone O kumeda Malofha Awe Ene mune sa tshithavhelo. Huno a netshedza Vhutshilo Hawe, uri nga iyo nqila ya lufu, A kone u tshidza inwi a ni dise kha Vhutshilo Vhu Sa Fheli.

⁹⁸ Ngauralo Mudzimu o tsela fhasi, nahone A itwa “vhunga” Murwa wa Mudzimu. Ni a vhona? O vha a Muthu o itwa *vhunga* Murwa wa Mudzimu. Zwino, O vha a nga si vhe Murwa wa Mudzimu, ngauri hoyu Muthu ndi wa u ya Nga Hu Sa Fheli.

⁹⁹ Murwa wa Mudzimu u na mathomo, U na magumo. U na tshone—tshone tshifhinga tsha mabebo Awe, U na tshifhinga tsha lufu Lwawe. U na zweathe mathomo na magumo. U na zweathe khotsi na mme.

¹⁰⁰ Hoyu Muthu o vha a si na khotsi nahone a si na mme, mathomo kana magumo a tshifhinga. Fhedzi O vhumbwa, hoyu Muthu, Melikesedeke, o vhumbwa *vhunga* Murwa wa Mudzimu.

¹⁰¹ Zwino, Murwa wa Mudzimu, musi A tshi da shangoni, nga tshivhumbeo tsha musadzi, kana, nga kha musadzi, kha tshivhumbeo tsha muthu, huno a vhulaiwa, a vuwa hafhu nga duvha la vhuraru, a vuwa a tshi itela u luga hashu, zwino U dzula lwa tshothe. Huno tenda fhedzi uyo muvhili u tshi khou isa phanda na u dzula, ri a dzula-vho. Nahone ngauri O takuwa buseni, ri do vuswa ri tshi fana Nae. Khetsho tshitiori tsha Mafhongo madifha. Kha hu rendwe Dzina la Murena. Hu si Vharunwa, hu si zwivhumbwa zwa nthha ha mupo, hu si tshigwada tsha mathenga a u fhufha u mona, fhedzi vhanna na vhasadzi, amen, vho ima vha tshi fana Nae. Ee, mune wanga.

¹⁰² Vhunga ndo dzulela u amba hezwi, ndi zwi amba hafhu hafha kha tshino tshifhinga. Zwi vhonala zwe fanela. Ndo vha ndi tshi khou gama, haya mavhudzi maqanu kana a rathi ane ndo sala nao. Huno mufumakadzi wanga a ri, “Billy, u khou bva phanda.”

¹⁰³ Nda ri, “Fhedzi a tho ngo lozwa na lithihi lao.”

¹⁰⁴ A ri, “A ngafhi?”

¹⁰⁵ Nda ri, “Mmbudze uri o vha a ngafhi phanda ha musi ndi tshi a wana, ndi do u vhudza hune a vha hone o nndindela.” Ndi zwone.

¹⁰⁶ Ndo vha ndi tshi nga ene—ene mulwi, ramavili. Ndo vha ndi na nungo nahone ndi muhulu. Huno nda pfa, arali na vheya hetshi tshivhidzo muñanani wanga, ndi nga tshimbila ndi tshi tsa na tshiñaraña natsho. Ndo vha ndi tshi do ni vhudza, musi ndi tshi vuwa matsheloni mañwe na mañwe zwino, ndi a zwi limuwa uri hu na miñwaha ya u yela kha fuña yo fhiraho. Ni a vhona? A thi zwine ndo vha ndi zwone. Ndi khou kundelwa, duvha na duvha. Musi ndi tshi lavhelesa kha zwanda zwanga nahone nda elekanya, “Lavhelesa hafha. Zwo luga, ndi khou thoma u kalaha.” Nda lavhelesa kha mashaña anga. Ndi a zwi vhona uri ndi vho khwaña. Ndo vha ndi tshi ambara ha fumbili-malo kha bannda. Zwino ndi amba furaru. Ni a vhona, ndi khou kalaha, u khwaña, ndi khou fhelela ndi tshi ya.

¹⁰⁷ Ndi mini? Ndi la zwithu zwithihi zwine nda dzulela u zwi ja. Ndi tshila lwa vhudele nahone khwiñe u fhira zwe nda vha ndi tshi tshilisa zwone, zwithu zwithihi. Fhedzi Mudzimu o ntela tshifhinga, nahone ndi tea u zwi tanganedza. Fhedzi ngelekanyo i takadzaho ndi, uri, nga ilo duvha, U do mmvusa hafhu. Huno zwe ño vha ndi zwone musi ndi na miñwaha ya fumbili-ñhanu, ndi do vha zwone lwa tshothe. Amen. Khezwoha. Miñwaha minzhi i nthithisa ngani? Ndo kunda diabolo nga izwo lwa miñwaha na miñwaha, ndi tshi ñivha hezwi, uri ndi tenda Ene. Tshikhathi tshiñuku tshi tou vha tshiñuku, zwithu zwiñuku, naho zwo ralo. Arali ra nga tou dzula furaru na fumi, miñwaha ya fusumbe, tshifhinga tshe ra fulufhedziswa, mini-mini ngauri ndi dzithaidzo na mañtungu? Ndi mini? Ni nga kumedza ino nnđu ya vhulwadze ni tshi itela zwithu zwa vhugala ngei seli?

¹⁰⁸ Ngani, kha hu rendwe Dzina la Murena! Tshiñwe tshithu ngomu hanga tsho tangana na hoyo Melikesedeke ñinwe duvha, nahone A amba mulalo kha nne nahone A nnea Vhutshilo Vhu Sa Fheli. Huno vhuno vhutshilo a vhu ambi tshithu fhedzi vhu tou vha theberenakele ya u rera Mafhungo madifha ngayo. Ndi amba izwi nga vhungoho hothe, na hedzi Bivhili dzo vuleya phanda hanga. Arali Mudzimu o fhedza u rera nga nne Mafhungo madifha, nahone hu si tshe na zwine ndi nga Mu itela, vhana vhanga vho aluwa lwo eðanaho u ñilondota, huno A tshi khou ñoda u ndzhia zwino, “Amen,” ndi zwenezwo. Ee, muñe wanga.

¹⁰⁹ Phambano ndi ifhio ine zwa ita arali ndi na miñwaha ya fumalo kana ndi na ya fumalo? Ndo dela tshithu tshithihi fhano: u shumela Murena. Ndi zwenezwo fhedzi. Arali ndi kha ñi kona u rera Mafhungo madifha sa zwine nda ita zwino, musi ndi na ya fumalo, ndi ifhio phambano ine zwa ita arali ndi na fuña kana fumalo? Hu na vhathu vhanzhi vha na miñwaha ya fumalo madekwana a ñamusi. Huno hu na vhana vhanzhi vhane vha

do fa, ngeno muthu wa miñwaha ya fumalo a tshi khou tshila a fhira vhunzhi havho. Zwi ita phambano ifhio? Ndi zwipikwa zwanu, milayo yanu, nahone ri fhano u shumela Murena Yesu. Ndi zwenezwo fhedzi.

¹¹⁰ Ri tshi divha hezwi, uri, “Vhuno vhutshilo ndi mutsidi une muthu a amba ngawo; we wa vhuya wa vha, huno zwino a u tshe ho.” Fhedzi arali ri na Vhutshilo Vhu Sa Fheli, Mudzimu o fulufhedzisa uri U do ri vusa hafhu. Nahone ri do la tshilalelo Nae musi mađuvha a tshi fhela, huno musi A tshi ri, “Dzhenani kha madakalo a Murena, e a lugiselwa inwi u bva tsha shango la sikwa.”

¹¹¹ Zwenezwo ndi ifhio phambano ine zwa ita fhano, kana ri na tshiñwe tshithu kana a ri na? Kana ni muswa kana ni mualuwa, zwi ita phambano-de? Tshithu tsha ndeme, no lugela u ḥangana Nae? Ni a Mu funa? Ni nga Mu shumela? No bva kha zwithu zwa shango? No ḥangana na Melikesedeke u bva tshe nndwa ya fhela?

¹¹² Mudzimu kha rendwe! Musi ndi na miñwaha ya fumbiniñhihi, ndo vha ndi, huno linwe duvha ndo vha na nndwa na *hezwi, izwo, na zwinwe*. Nda kundelwa u divha arali ndi tshi khou ṭoda u vha mulwi, kana ndi khou ṭoda u vha murei, kana muzwimi, zwe nda vha ndi tshi khou ṭoda u vha zwone. Fhedzi nda ḥangana na Melikesedeke, nahone A mpha tshilalelo, nahone u bva zwenezwo zwa dzudzanye lwa tshothe. Haleluya! Ndo tshimbila thungo Yawe. Ndi tshimbila ndi tshi pembela ndilani. Huno musi zwi tshi swika magumoni a ndila, nahone lufu lwa ndavhelesa kha tshifhaṭuwo, nga ndila ine nda dipfa ngayo zwino, thi nga vhuyi nda lu ofha. Ndi do tshimbila, ndi khou ṭoda u ya phanda, ndi tshi divha hezwi, uri ndi divha Uyo we a ita pfulufhedziso, ndi zwone, uri ndi a Mu divha kha maanda a mvuwo Yawe. Musi A tshi vhidzelela vhukati ha vhafu, ndi do bva vhukati havho. Ndi zwone, ndi Mu divha kha maanda a mvuwo Yawe. Ndi ifhio phambano ine zwa ita, kana ndo kalaha kana ndi muswa? Kana ndi muṭuku kana ndi muhulwane? Kana ndo fura kana ndi na ndala? Kana ndi na fhethu ha u edela kana a thi na?

¹¹³ “Zwinoni zwi na zwiṭaha, nahone phunguwe dici na bako, fhedzi Murwa wa muthu ha na fhethu ha u ladza ḥohoh Yawe,” fhedzi O vha a Khosi ya Vhugala.

¹¹⁴ Ri mahosi na vhotshifhe madekwana a ḥamusi. Ndi ifhio phambano ine zwa ita arali ri nazwo kana ri si na? Tenda ri na Mudzimu, ri fhira na vhakundi. Ri fhira na vhakundi. Ri dzula Vhuhoneni ha Mudzimu, kha vhuledzani ha Muya Mukhethwa, ri tshi la tshilalelo tsha Tshimuya u bva zwandani zwa Uyo aye a ḥanziela, “Ndi Nne we nda vha ndo fa, nahone ndi a tshila hafhu, nahone Ndi a tshila lwa tshoṭhe.” Ro dzula roṭhe mafhethu a ṭadulu kha Kristo Yesu. O kha hu rendwe Dzina Lawe likhethwa. Zwi ita phambano-de?

Dennde kana mutumba, ngani ndi tshi tea u
vha na ndavha?

Vha khou mphatela pfamo ngei N̄ha!
Ya nungu na dzidaimane, na siliva na musuku,
Zwikwana Zwawe zwe ḫala, Ú na lupfumo lu
sa ambei.

¹¹⁵ Ndo ṭangana Nae liñwe duvha musi ndi tshi khou bva nndwani. Nda vheya zwiphuga zwanga fhasi. U bva zwenezwo a thi athu u lwa nndwa; ndi Ene o no nndwela dzone. Ndi tou awela kha pfulufhedziso Yawe, ndi tshi divha hezwi, uri ndi ya Mu divha kha maanda a mvuwo Yawe. Ndi zwone zwi na ndeme. Ndi zwifhio zwi na ndeme hafhu?

¹¹⁶ Ri do ita mini? Ndi ngani ni tshi elekanya uri ni nga engedza tshipida tsha tshanda kha tshimo tshanu? Ni na ndavha ngani arali mavhudzi aṇu o onyana, kana ni nao kana a ni na? Zwi ita phambano-de? Arali ni mukalahaa, arali mavhudzi o tshena, arali mashaḍa o no govheya, arali ni so ngo ralo, zwi ita phambano-de? Amen. Izwi ndi u itela munukho, fhethu huṭuku, fhedzi Izwo ndi zwa tshoṭhe-tshoṭhe. Nahone tshikhala tsha tshifhinga tshi tshi isa phanda, musi zwikhathi zwi tshi ya phanda, a ni nga shanduki, ni tshimbila kha zwikhathi Zwawe zwa u ya Nga Hu Sa Fheli zwi sa gumi. Zwi ita phambano-de?

¹¹⁷ Ndi takala ngauri ndo ṭangana Nae. Ndo takala nga maanda ngauri O mpha tshilalelo, liñwe duvha, onoula Melikesedeke muthihi we a ṭangana na Abrahamu a tshi khou bva u vhulaya mahosi. Zwe tou ralo. “Mudzimu wa Tađulu,” ene *El Elyon*; muhulu “NDI NNE,” hu si Ndo vhuya nda; NDI NNE, tshifhinga tsha zwino. “Huno A mu fhaṭutshedza.”

¹¹⁸ Thetshelesani hafha ndi tshi ya phanda, uri ri kone u swika kha ngudo roṭhe. Zwino ndimana ya vhu4.

Zwino lavhelesani uri uyu muthu o vha a muhulu hani, . . .

Ndi tou elekanya izwo, na nne-vho. “Lavhelesani uri uyu Muthu o vha a muhulu hani.” Ú fhira Murwa wa Mudzimu. Murwa wa Mudzimu o vha a na khotsi na mme; Ene o vha a si na. Murwa wa Mudzimu o vha a na mathomo a tshifhinga na magumo a tshifhinga; Ene o vha a si na. O vha a nnyi? Uyo o vha a Khotsi a Murwa. Ndi Zwone zwe a vha a zwone.

*. . . lavhelesani uri uyu muthu o vha a muhulu hani,
kha . . . na khotsi Abrahamu o ḫeya tshone tshafumi tsha
thundu yawe yoṭhe.*

¹¹⁹ Zwino thetshelesani nga maanda.

*Nahone ngangoho avho vhan e vha vha vharwa vha
Levi, vhe vha ṭanganedza ofisi ya vhutshifhe, vha . . . na
mulayo wa urī vha dzhie tshafumi tsha vhatu zwi tshi*

tevhela mulayo, une wa vha, wa vharathu vhavho, naho vho bva khunduni dza Abrahamu:

¹²⁰ Zwino lavhelesani hezwi arali ni tshi khou ḥoda u vhona zwiñwe zwithu.

Fhedzi uyo ane lutsinga lwave a lu ngo isa phanda na... khavho o ḥanganedza tshafumi tshe tsha bva kha Abrahamu, nahone a fhaṭutshedza uyo we a ḥewa pfulufhedziso.

¹²¹ Abrahamu o vha a na pfulufhedziso, nahone hoyu Muthu o fhaṭutshedza Abrahamu we a vha a na pfulufhedziso. Uyu o vha a nnyi? Vharwa vha Levi vho badela tshafumi kha vharathu vhavho kana... Vharathu vhavho vho badela tshafumi khavho. Who vha vha na mulayo wa Murena wa u dzhia tshafumi tsha zwe vharathu vhavho vha shuma, uri vha tshire ngatsho, ngauri vho vha vha kha vhuimo ha vhutshifhe. Zwino, izwo zwi fhelisa vhutshifhe ha Melikesedeke, sa zwine na amba, heneffho. Ndi zwenezwo. Fhedzi hoyu Muthu... Na we a vha a na pfulufhedziso, munna muhulusa kha lifhasi, Abrahamu, o ḥangana na hoyu Muthu nahone a badela tshafumi Khae. [A hu na tshithu kha theiphi—Mudz.] U tea u vha muhulu.

¹²² Thetshelesani.

Nahone hu si na phambano na nthihi mutuku u fhaṭutshedzwa nga muhulwane.

Zwo tou ralo. Lavhelesani uri O vha a Nnyi.

Huno hafha vhathu vhane vha fa vho ḥanganedza tshafumi;...

Uvho ndi vhutshifhe ha maitele a vhotshifhe na vhareri, na zwiñwe zwinzhi. Vhanna vhane vha ḥanganedza tshafumi, vho fa. Ni a vhona?

... fhedzi hafha o vha ḥanganedza, vhane khavho zwo ḥanzielwa uri u ya tshila.

¹²³ Muthu u dzhia tshafumi a tshi itela mini, arali a na tshiñwe... Arali a so ngo vhuya a bebwā, nahone a sa ḥo vhuya a fa, nahone o vha a wa u bva mathomoni u swika magumoni, nahone—nahone a si na khotsi kana mme kana vhaḍuhulu, nahone a tshi vhusa Maṭadulu othe na lifhasi na zwoṭhe zwi re khaṭo, ndi ngani a tshi tea u dzhia tshafumi? Ndi ngani o vhudza Abrahamu uri a badele tshafumi? Ni a vhona uri ndi zwithu zwa ndeme hani u badela tshafumi? Tshafumi ndi tshone. Mukriste muñwe na muñwe o vhofheya u badela tshafumi. Ndi zwone. A zwo ngo vhuya zwa shandukiswa.

¹²⁴ Zwino:

Huno vhunga ndi tshi nga ri, na ene Levi, we a ḥanganedza tshafumi, o badela tshafumi a kha Abrahamu.

¹²⁵ Zwino, oo, tshiñwe tshithu khetshi hafha.

*Ngauri o vha a tshe khuduni dza khotsi awe, musi
Melikesedeke a tshi tangana nae.*

¹²⁶ Mini, Levi? Abrahamu o vha a makhulu-kuku wa Levi. Huno Bivhili hafha i ralo, uri, “Levi o badela tshafumi musi a tshe khunduni dza Abrahamu.” Mirafho mina phanda ha musi a tshi da kha lifhasi, o vha a tshi khou badela tshafumi kha Melikesedeke. Kha hu rendwe Dzina la Murena!

¹²⁷ Zwenezwo, vhoiñwi ni sa tendi kha u tiwa, kana u dzula wo divhiwa; huno hafha, mirafho mina phanda ha musi Levi a tshi bva khunduni dza Abrahamu, o vha a tshi khou badela tshafumi kha Melikesedeke. Ndi tama arali ro vha ri na tshifhinga tsha u dzhena kha Luñwalo.

¹²⁸ Arali na nga zwi dzhia vhunga kha Yeremia 1:4, Mudzimu o ri, “Ndo u ñivha phanda ha musi u tshi vhumbiwa mbumbeloni ya mme au. Nahone nda u ita mukhethwa nahone nda u ta uri u vhe muporofita kha dzitshaka.” Zwenezwo ndi tshini tshine u nga amba uri wo ita? Ndi tshini tshine ndi nga amba uri ndo ita? Ndi Mudzimu a sumbedzaho khathutshelo. Mudzimu o ri ñivha phanda ha musi shango li tshi sikiwa.

¹²⁹ Ha funi uri muñwe a lovhe. Na luthihi. Fhedzi arali a Mudzimu, U ya ñivha uri ndi nnyi ane a ño tshidzwa nahone ndi nnyi ane a sa ño tshidzwa, kana Ho ngo ñivha tshithu. Arali A so ngo ñivha . . . Arali a so ngo ñivha uri ndi nnyi ane a ño zwi kona u swika kha u Takulelwā Tadulu, musi shango li sa athu u vhumbiwa, zwenezwo Ha Mudzimu. Arali A si na magumo, U ño . . . U ñivha tshiñwe na tshiñwe tshi fhufhaho, thunzi ñiwe na ñiwe i no fhufha, nnda ñiwe na ñiwe, gai linwe na linwe, ine ya do vha hone kha lifhasi, phanda ha musi lifhasi li tshi vhumbiwa. Ndi zwone. O ñivha zwithu zweþhe. Phanda ha musi shango li tshi sikwa, O ri ñivha. Bivhili i ralo, uri, “O ri ñivha nahone a ri ta.”

¹³⁰ Kha ri fhedze hezwi khathihi. Kha ri humele murahu kha Vhaefesa, ndima ya vhul. Yone ya vhul⁵ ndim- . . . Ndima ya vhul ya Vhaefesa, lwa tshikhalañana. Ndi khou þoda u vhala hafha lwa miniti, uri ni kone u pñesesa zwavhukuma uri a zwi sokou vha zwithu zwine ndi khou lingedza u ni vhudza. Ndi zwithu zwine Mudzimu a khou lingedza u ni vhudza. Ni a vhona? Zwino thetshelesani kha hezwi, nga maanða, ndima ya vhul ya Vhaefesa.

*Paulo, muapostola wa Yesu Kristo nga lufuno lwa
Mudzimu, . . .*

Muthu muthihi we a ñwala vhurifhi ha Vhaevheru, u khou ñwala vhuno vhurifhi.

. . . kha vhakhethwa . . .

Hezwi a si zwa vhadzia u sa tenda, fhedzi ndi zwa vhakhethwa, vhone vhokhethet...vhokhethefhadzwaho.

...vha re Efesa, na kha vhafulufhelaho kha Kristo Yesu:

Tshilidzi kha vhoiñwi, na mulalo, u bva ha Mudzimu Khotsi ashu, na u bva ha Murena Yesu Kristo.

Kha hu rendwe Mudzimu na Khotsi a Murena Yesu Kristo, we a ri fhañutshedza nga phañutshedzo dzothe dza tshimuya dzi re ngei mafhethu ṭađulu...

“Vhunga Ene...” Zwino, thetshelesani nga maanda zwino, ndimana ya vhu4.

Vhunga o ri nanga khae musi shango li sa athu u sikwa,...

Ndi nnyi “ri” afho? Tshivhidzo.

...o ri nanga khae (Kristo) musi shango li sa athu u sikwa, lifhasi, uri ri vhe vhakhethwa nahone vha sa solisei phanda hawe kha lufuno:

O ri tela adopusheni ya vhana nga Yesu Kristo kha ene muñe, zwi tshi tevhela u takalela hawe ene muñe nga lufuno lwawe,

¹³¹ Ndi nnyi o zwi itaho? Mudzimu o zwi ita. Mudzimu o ñivha u bva u rangani uri ndi nnyi ane a ño tshidzwa nahone ndi nnyi a sa ño tshidzwaho. Zwo tou ralo, O vha a sa funi uri hu vhe na o no lovha. Fhedzi Ho ngo rumela Yesu hafha uri a vhone ndila ine—ine na ño tshila ngayo vhunga, “Zwo luga, Yesu a ṭungufhadzaho, ndi a Mu pfela vhutungu. Khanwe ndi khwiñe ndi tshi tshidzwa nahone ndi zwi rwele tshigando.” Hai, muñe wanga.

¹³² Mudzimu o zwi ñivha u rangani uri ndi nnyi ane a ño ralo nahone ndi nnyi a sa ño ralo. Ngauralo, zwo ralo, O zwi ñivha uri vhañwe vha ño ralo, ngauralo A rumela Yesu uri a ita tshipfumelo kha havho vhe A dzula o vha ñivha. “Ngauri havho vhane A dzula o vha ñivha, O vha vhidza. Nahone havho vhe A vha vhidza, O vha ita vho lugaho. Huno havho vhe A vha ita vho lugaho, O ralo (tshifhinga tsho fhelaho) u vha ñeya vhugala.” Khezwo-ha.

¹³³ Ngauralo a si inwi ane na ñivhulunga, ndi tshilidzi tsha Mudzimu tshi ni vhulungaho. A no ngo ñitshidza, kana a hu na tshe na ita tshire tsha ita uri ni fanelwe nga u tshidzwa. Ndi tshilidzi tsha Mudzimu tshi ni tshidzaho. Tshilidzi tsha Mudzimu tsho ni vhidza. U ñivhela phanda ha Mudzimu ho ni ñivha. O zwi ñivha uri ni ño vha ni tshivhidzoni tshino ano madekwana, musi shango li sa athu sikwa nahone li sa athu adzwa, arali A si na magumo. Arali A so ngo ralo, Ha Mudzimu. Arali O ñivha zwithu zweþhe, O vha a Mudzimu. Arali A so ngo ñivha zwithu zweþhe, O vha a si Mudzimu. Arali A Mudzimu

Ramaanda ōthe, U ya kona u ita zwithu zwēthe. Arali A sa koni u ita zwithu zwēthe, Ha Mudzimu Ramaanda ōthe. Khezwo-ha.

¹³⁴ Zwo ralo ni nga amba hani uri ndi zwithu zwine ni nga zwi ita? A si zwine ni nga ita. Ndi lufuno lwa Mudzimu na tshilidzi kha inwi, musi ni fhano. A hu na zwine ni nga ita, Mudzimu o ni vhidza nga tshilidzi Tshawe; na thetshelesa, na pfa, na tanganedza.

¹³⁵ “Zwo luga,” ni ri, “Mukomana Branham, izwo zwi zwi ita zwo leluwaho.” Zwi a ralo. No vhofholowa. “Zwo luga, muthu a nga ita tshini na tshini tshine a ḥoda u ita.” Ngangoho. Ndi dzulela u ita zwine nda ḥoda. Fhedzi arali ni Mukriste, a ni ḥodi u ita zwo khakheyaho.

¹³⁶ Hu na musidzana mūtuku o dzulaho murahu afho madekwana a namusi, ndi mufumakadzi wanga. Ndi mu funa nga zwēthe zwi re ngomu hanga. Huno arali ndi tshi zwi divha uri ndi dōo gidima-gidima na munwe musadzi huno nda ponya khazwo, huno nda ya u mu vhudza, nahone nda ri, “Meda, ndo khakha,” ni elekanya uri ndi nga zwi ita? Arali ndi tshi mu funa zwone, ndi nga si zwi ite. Ndi zwenezwo.

¹³⁷ Zwino, mini-ha arali ndi tshi do ri, “Oo, ndi nga si zwi ite. Ngauri, ndi do ni vhudza uri ngāni. U do ntala, huno nda wana... Oo, ndi mureri. Ni a vhona uri izwo zwi do ita mini? Izwo zwi do tsitsa kha phuluphithi, arali a ntala. ‘Munna o taliwaho, oo!’ Ndi na vhana vhararu; ndi nga si elekanye nga izwo. Fhedzi, mutukana, ndi...” Zwo luga, arali zwo ralo, ni kha di vha kha mulayo. A tho ngo mu mala nga mulayo. A si mulayo une wa ita uri ndi tshile nga vhungoho khae. Ndi ngauri ndi a mu funa. A thi tei u ita tshithu na tshithihi. Ndi zwi ita ndi tshi zwi funa ngauri ndi zwithu zwa lufuno. Huno arali ni tshi funa mufumakadzi waṇu, ni do ita zwi fanaho.

¹³⁸ Huno arali ni tshi funa mufumakadzi waṇu nga u ralo, nga lufuno lwa *phileo*, ni tea u ita mini kha Kristo nga lufuno lwa *agapao*, lune lwo hula zwi tshi vhalwa lwa milioni, arali ni tshi funa Mudzimu zwavhukuma? Arali ndi tshi zwi divha uri madekwana a namusi ndi nga bva nahone nda kambiya, arali ndi tshi zwi divha uri madekwana a namusi ndi nga gidima ndi tshi mona nahone nda vha wa matshilele o khakheyaho, arali ndo vha ndi tshi zwi divha, madekwana a namusi; arali izwo zwi mbiluni yanga uri ndi do zwi ita, huno nda ya nahone nda zwi ita, ndi tshi divha uri U do nkhangwela, ndi nga si zwi ite. Ndi elekanya zwinzhi Ngae. Ndi a Mu funa. Zwo tou ralo. Ngangoho.

¹³⁹ Ndi ngazwo ndi nga si rengise tshenzhemo tshanga kha dinomineisheni na nthihi, (hai, mūne wanga), a hu na Khuvhanganyo dza Mudzimu, a hu na Tshivhidzo tsha Mudzimu, a hu na Vhatsinda Vhakhethwa, Methodisi, Baphuthisi, Phuresibatherieni, Katolika. Ndi nga si dzhie tshithu na tshithihi tshine tshi nga ḥekedzwa, u itela tshino tshenzhemo.

Ngauri, a tsho ngo da nga muthu. Tsho da nga Mudzimu. Hai, muñe wanga. Ndi nga si rengise pfanelo dzanga dza mabebo u itela roko na rolo ya Elvis Presley, kana u itela tshigwada tsha Katolika yawe, kana yawe, kana, Dzikhadilaka, kana dolara dza milioni, na zwiñwe zwinzhi, zwine a wana ñwedzi nga ñwedzi. Hai, muñe wanga. Ndi a Mu funa. Huno arali nda... Tenda ndi tshi Mu funa sa zwenezwo, ndi do dzula ndi wa ngoho Khae. Huno arali Mudzimu o mmbidza nahone a nta, O vheya tshiñwe tshithu ngomu hanga, nahone ndi a Mu funa.

¹⁴⁰ Ndi elelwa Vho. Isler. Noñhe ni a vha divha, vhunzhi ha vhoinwi. O da heneffo, muhulwane wa muvhuso wa Indiana; o da hafha, a tamba kañara yawe. Musi lushie lwanga lwo lovha, mufumakadzi wanga o lovha, nahone vhoñhe vho edela nñha hafha mavhidani. Huno ndo vha ndi tshi khou gonya nga bada, zwanda zwanga ndo zwi isa murahu hanga, ndi tshi khou lila. A thamuwa u bva kha lawe la kale, tiraka la kale, huno a da a nkuvhatedza, a ri, “Billy, ndi khou ḥoda u vhudzisa mbudziso.” A ri, “Ndo u pfa u tshi khou rera u swika u tshi ḥoda na u wela kha phuluphithi. Ndo u pfa khudani dza tshiñaraña na zwiñwe zweñthe, u tshi huwelela u tshi itela Kristo.” A ri, “Zwino O dzhia baba wau. O dzhia murathu wau. O vha ūusa vhoñhe, nahone vho fela zwandani zwau. Khoyo o fa. Mufumakadzi wau o fa, o fara zwanda zwau. Huno lushie lwau lwo fa, huno u khou Mu vhidzela uri a u thuse. Huno A u furalela. U elekanya mini Ngae?”

¹⁴¹ Nda ri, “Ndi a Mu funa nga zweñthe zwi re ngomu hanga. Arali A nthumela heleni, ndi do isa phanda na u Mu funa.” O luga. A thi ambi izwo; miñwaha ya fumbili-rathi yo zwi sumbedza. Ndi zwone.

¹⁴² Arali ni tshi Mu funa! A si mushumo, uri, “Ndi nga si ite hezwi, nahone ndi nga si ite izwo.” Ni Mu funa nga maanda lune ni do zwi ita, ngauri O ni nanga. A no ngo vhuuya na Mu nanga, O ni nanga.

¹⁴³ Ni ri, “Ndo ḥoda Murena, nahone nda ḥoda Murena.”

A hu na muthu a ḥodaho Mudzimu. Ndi Mudzimu, a ḥodaho muthu. Ni nga vha ni khou ḥoda thuso Yawe, fhedzi Mudzimu u tea u shandukisa mvelo yanu phanda ha musi ni tshi nga Mu ḥoda, ngauri, ni muitazwivhi, ni nguluvhe. Ndi zwone.

¹⁴⁴ Huno vhañwe vha vhoinwi vhatu vhane na khou ya tshiyhidzoni nahone na tshila nga u vha murado, na bvela nnnda hafha na ita zweñthe zwi re shangoni, na isa phanda na humela murahu na ri, “Ee, ndi wela fhasi ha tshiyhidzo.” Izwo zwi kule na u wela kha Mudzimu. Zwo tou ralo. A thi ralo... Fhedzi na vhone vhatu vha tshi khou ita hezwo, ni nga zwi amba. Oo, ndi mirado ya vhuđi ya tshiyhidzo. Ndi ngoho. Ni nga vha murado wa tshiyhidzo na ita hezwo zwithu, fhedzi ni nga si vhe Mukriste na zwi ita.

¹⁴⁵ Vhunga ndo amba, ano matsheloni, “Funguvhu la kale, arali ho vhuya ha vha na mudziatshimbevha, ndi funguvhu.” Ndi zwone. Lone na liivha two dzula kha gungwa lithihi, zwa dzula kha tshiṭaha tshithihi. Huno funguvhu la kale lo fushea musi li tshi vhofhololwa, huno la bva Tshivhidzoni, lune lo vha li tshi kona u bvela nnda hafho nahone la dzula kha tshiñwe tsha zwitumbu two faho nahone la “kuu, kuu,” huno la la zwi bvaho kha *hetshi*, la la zwi bvaho kha bere, la la zwi bvaho kha kholomo, na zwenezwo zwiñwe, lo vha li tshi khou fushea. Fhedzi musi Noaxe a tshi vhofholola liivha, a lo ngo wana vhuawelo ha vhukando ha milenzhe yalo. Lo vha li na pfanelo ya u dzula kha phukha dzo faho sa zwe funguvhu la ita, fhedzi two vha zwi mvelo mbili dzo fhambanaho. Inwe ya hone, lo vha li liivha, na u rangani hazwo. Lo vha li funguvhu, na u rangani hazwo.

¹⁴⁶ Fhedzi, arali na dzhiela nzhele, funguvhu la kale li a kona u dzula hafha na kha zwitumbu two faho nahone la la, hafu ya ñuvha. Liivha li dzula tsimuni ya gorou nahone la la, hafu ya ñuvha. Huno funguvhu li ya kona u fhufhela nnda hafho huno la la zwiñwa zwa liivha, u ya nga hune la ḥoda u ralo. Li ya kona u la gorou vhunga funguvhu li tshi ralo, kana, vhunga liivha li tshi ralo. Fhedzi lone, funguvhu, li ya kona u la zwiñwa zwa liivha, fhedzi liivha a li li zwiñwa zwa funguvhu. Ndi zwone.

¹⁴⁷ Ngauralo, mudziatshimbevha wa kale u ya kona u da tshivhidzoni, nahone a pembela na u huwelela na u renda Murena, nahone a ita nga u ralo, huno a humela murahu nahone a diphina nga zwithu zwa shango. Fhedzi Mukriste o bebwaho hafhu a nga si zwi ite, ngauri lufuno lwa Mudzimu lu mu vhofha u swika fhethu hune a nga si zwi ite.

¹⁴⁸ Ngauralo arali ni Mukriste nga u vha murađo wa tshivhidzo, na u litsha u ita *hezwi* na *izwo*, nahone lutamo luthihi lu ngomu hanu, ni kha di ḥoda huñwe u ngwandamedzwa. Ndi zwone kokotolo.

¹⁴⁹ Huno vhoinwi vhasadzi vhane na ambara izwo zwiambaro zwipfufhi zwa kale, nahone henefha nnda tshiṭaraṭani, na ñividza “mutendi.” Ni mutendi, fhedzi ni tsumbo i ḥungifhadzaho ya onoyo, khañwe. Arali ni na Kristo zwavhukuma ngomu mbiluni yanu, ni nga si elekanye nga zwithu two raloho. A thi na ndavha na uri vhañwe vhasadzi vhothe vha ita mini, na zwine vhañwe vhasidzana vhothe vha ita, no fhambana, ngauri ni funa Kristo nga maanđa.

¹⁵⁰ Ndo amba na musadzi liñwe ñuvha, nđuni, huno a posela zwanda zwawe n̄tha sa *hezwi*, a ri, “Mufunzi. Branham, ndi tou vha fhedzi, hafha nđuni yanga. Ndi khou mona-mona.”

¹⁵¹ Nda elekanya, “Dishone.” Nđuni yau, a thi na ndavha uri ni ngafhi. Ndi zwone. Ambarani nahone ni qifare sa musadzi, sa zwine mufumakadzi a tea u ita. Dishoneni. Fhedzi ni fara . . .

Ee, Bivhili i ri, "Arali ni tshi funa izwo zwithu, zwithu zwa shango, lufuno lwa Kristo a lu ho kha inwi." Huno arali ni tshi funa Murena, nga mbilu yanu yothe, nga maya wanu wothe, nga muhumbulo wanu wothe, ni do bvisa izwo zwa kale zwa tshika, zwithu zwivhi ngomu hanu. Ndi zwone.

¹⁵² Huno vhoiñwi madikoni, na vhoiñwi vhañwe hafha, vhane na gidima na tshitarata hafha, na imisa mutsinga wanu nahone ni tshi lavhelesa kha munwe na muñwe wa avho vhasadzi. Dishoneni; na ñivhidza "vharwa vha Mudzimu." Ndi a zwi ñivha uri izwo zwi khou fhisa, fhedzi ndi khwiñe ni tshi fhiswa u fhira u swa lwa tshothe afho. Ngauralo arali ni tshi ita hezwi zwithu... Zwino, a ni koni u zwi kondelela arali musadzi a tshi tshimbila tshitarata, o ambara zwipfu. Inwi, arali no lavhelesa, no vhofheya u mu vhona, fhedzi ni nga rembulusa ñohoho yanu. Bivhili i ri, "Nnyi kana nnyi ane a lavhelesa kha musadzi lwa u mu emula, o no ita vhupombwe nae mibiluni yawe."

¹⁵³ I ri ni ndi ni vhudze tshiñwe tshithu, khaladzi a funeaho, ni khou ya u fhindula. A thi na ndavha, ni nga vha no kuna sa dzuvha. Ni nga vha ni sa athu u ita tshivhi tsho raloho, tshivhi tsha u tshila nga ndila yo khakheyaho, vhutshiloni hanu. Fhedzi arali na ambara nga u ralo, ni khou ya u zwi fhindulela Khañhuloni nge na ita vhupombwe na muthu muñwe na muñwe we a ni lavhelesa. Bivhili yo ralo. Na tshimbila ni tshi tsa na tshitarata, ndi nnyi a na mulandu, munna? Hai, muñe wanga. Ndi inwi. No ñitaná nga u ralo.

¹⁵⁴ Musadzi u na fhethu ha khwiñe. Ndi hukhethwa, ho naka, fhethu ha vhudi. Fhedzi u tea u ñifara nga u ralo, u fara ofisi yaye nga ndila ine a tea u ralo ngayo, sa mme, sa musadzi na vhumme. Musi vhumme ho khwashea, muñodo wa lushaka wo kwashea. Huno ndi ngazwo, ñamusi, lushaka lwashu lwo tshinyala, ndi nnñhani ha u tshila luvhi ha vhasadzi vhashu. Ndi zwone kokotolo. Zwo tou ralo. Ndi u sina vhukati hashu, ndi zwone zwine zwa khou lu kwasha.

¹⁵⁵ Zwine na khou ñoda ndi u ñangana na hoyu Melikesedeke tshiñwe tshifhinga. Amen. Mu tendeleni—Mu tendeleni a ni fhañtshedzahone a ni ñeye veini, vhurotho, Vhutshilo Vhu Sa Fheli. Zwenezwo ni do vhma zwo fhambanaho. A ni nga ñodi vhatukana vha tshi ita...muludzi wa khombole kha inwi, muludzi wa phele, kana zwenezwo zwine na khou ñoda u zwi vhidzisa zwone. A zwi nga do ralo. Ni do vha o fhambanaho.

¹⁵⁶ Huno ni ñoda u mmbudza uri ni ambara nga u ralo, na bvela nnñda afho, u itela inwe mbuno-who? Ni ri, "Ngani, hu khou rothola." Ni khou amba tshitora. A hu rotholi. Saintsyo zwi sumbedza uri a hu rotholi. Ndi yone...Ndi nyemulo dzine dza ña kha inwi, khaladzi. A ni zwi limuwi. A thi khou lingedza u ni vhaisa, fhedzi ndi khou lingedza u ni tsivhudza.

Vhunzhi ha vhasadzi vha mikhwa, o kuna u ya nga hune a kona, mufumakadzi wa vhudi, a bva a tshimbila na hezwi zwithu, tshiṭaraṭani, a sa limuwi zwine a khou ita, ngauri muñwe mureri o guneaho u khou ofha uri munna wanu ha tsha ḍo badeli tshafumi tshawe kha tshivhidzo. Arali a nga tou ṭangana na Melikesedeke, a nga si elekanye izwo zwithu. U ḍo rera Mafhundo madifha. Arali a fhisa zwo dzumbamaho u bva miṭanani yavho, u ḍo A rera, naho zwo ralo. Ndi zwone kokotolo.

¹⁵⁷ Ni zwi ita, nahone ni zwi ita ngauri uyo maya wa nyemulo u hone. Nahone vhoiwi vhanna vhane na ḍo ralo u tendela vhaftumakadzi vhanu vha tshi ita izwo zwithu zwo raloho, ndi na fulufhelo liṭuku ḥa vhoiwi sa vhanna. Ndi zwone. Ndi zwone. Zwino, a ḥu na mashudu kha izwo, ngauri, kana, a hu na u humbelo pfarelo, ngauri, ndi ngoho. Munna muñwe na muñwe ane a ḍo tendela mufumakadzi wawe a tshi ya tshiṭaraṭani nahone a ḫifara nga u ralo, murathu, no fanelwa nga u ambara zwiambaro *zwawe*. Ndi zwone. Inwi, ngani, nñe-nñe!

¹⁵⁸ A thi khou ri mufumakadzi wanga a nga si zwi ite. Fhedzi ndi tea u shandukiswa na u shandulwa, kha zwine nda vha zwone zwino, arali nda tshila nae musi a tshi khou zwi ita. Nahone ndi zwone kokotolo.

Vhasidzana vhanga, vha nga zwi ita musi vha tshi vha vhasadzi. A thi khou ri a vha nga ḍo ralo. A thi ḫivhi. Izwo zwi kha khathutshelo ya Mudzimu. Ndi fulufhela uri vha si ralo. Arali vha ralo, vha ḍo ya kha dzithabelo dza khotsi muvhuya. Vha ḍo tshimbila n̄ha ha vhutshilo ha muñwe muthu we a lingedza u tshila zwone, arali vha vhuya vha zwi ita. Ndi zwone. Fhedzi ndi khou ḫoda u tshila zwone, u funza zwone, nda vha wa ngoho, nahone ndi kone u vha tsivhudza zwone. Arali vha ita izwo, vha ḍo phudzha n̄dila yavho ya u ya heleni, n̄ha ha u rera hanga, na n̄ha ha Kristo wanga, na n̄ha ha tsivhudzo dzanga, ndi zwone, arali vha vhuya vha ita izwo. Ngangoho. Ndi zwone.

¹⁵⁹ Dishoneni. Arali na vhuya na ṭangana na Kristo, no livhana tshifhatuwo, huno A ni fhatutshēdza, nahone a vheya uho u mama ha u themendela mbiluni yanu, vhodiabolo vhothe vha ngei heleni vha nga si ni ite uri ni zwi ambare hafhu. Ndi zwone. No shanduka u bva lufuni u da kha Vhutshilo, nahone madzangalelo anu o vheiwia kha zwithu zwa ngei n̄tha nahone hu si kha zwithu zwa lifhasi. Amen. Ndi khwine ndi tshi ḫutshela iyo ther. I khou sinyusa. Zwo luga. Fhedzi ndi Ngoho.

¹⁶⁰ Zwo luga, musi ri tshi khou ya phandanyana zwino, zwenezwo ri khou da u vala.

...ngoho havho vhane vha vharwa vha Levi, . . .
vho ṭanganedza tshafumi tsha ofisi ya vhutshifhe,
nahone vha na mulayo wa u dzhia tshafumi tsha
vhathu zwi tshi tevhedza mulayo, izwo ndi, wa vharathu
vhavho, naho vho bva khunduni dza Abrahamu:

Fhedzi uyo ane murafho a u vhaliwi kha avho vhe vha ḥanganedza tshafumi tsha Abrahamu, nahone vha fhaṭutshedzwa nga ene we a vha a na pfulufhedziso.

Huno na phambano dzoṭhe muṭuku u fhaṭutshedzwa nga muhulwane.

Huno hafha vhanna vhe vha fa vho ḥanganedza tshafumi; fhedzi hafha o vha ḥanganedza, vhane ngavho zwo ḥanzielwa uri u ya tshila. Huno ndi... .

Huno vhunga ndi tshi nga ralo... u ri, na Levi,... o ḥanganedza tshafumi, o ḥanganedza tshafumi, o badela tshafumi a kha Abrahamu.

Ngauri o vha a tshe khunduni dza khotsi awe, musi Melikesedeke a tshi ḥangana nae.

¹⁶¹ Anu—maitele anu kha Kristo a do ita tsumbedziso khulu kha zwine vhana vhanu vha do vha zwone. Vhutshilo hanu vhune na tshila phanda ha muṭa wanu vhu do ita tsumbedziso kha zwine vhana vhanu vha do vha zwone. Ngauri, Bivhili yo ralo, uri, “U do dalela vhutshinyi ha vhabebi kha vhana u swika kha murafho wa vhuraru na wa vhuna.”

¹⁶² Zwino, lwa tshikhalanyana, phanda ha musi ri tshi vala.

Huno-ha arali u khunyelela (u khunyelela hanu khoho hafhu) ho da nga vhitshifhe ha Vhalevi, (ngauri fhasi haho vhathe vho ḥanganedza mulayo,) zwi ngafhani-ha hu tshi ṭodea uri hu de... muṇwe tshifhe u tea u vuwa zwi tshi tevhela maitele a Melikesedeke, nahone a so ngo vhidzwa zwi tshi tevhela maitele a Aroni?

¹⁶³ Mulayo, vhamulayo, ni a vhona, “Oo, ni tea u ita hezwi. Arali na sa ita hezwi, a ni Mukriste. Arali na sa tevhedza savhatha! Arali na sa... Arali na la nama! Arali na ita hezwi zwithu!” Heyi mihibulo yoṭhe ya vhamulayo. “Nahone ni tea u ya tshihidzoni. Arali na sa ralo, ni badela tshighevho tshazwo. Ni tea u ita thabelo ya muano.” Izwo zwithu ndi maloto. Ni tshidzwa nga tshilidzi tsha Mudzimu, nga u divhela phanda ha Mudzimu, nga u ta Hawe. Mudzimu o vhidza Abrahamu nga u ta, nga u divhela phanda. O ralo u vhidza. O vhenga Isau, nahone a funa Yakobo, phanda ha musi na muthihi wavho a tshi bebiwa. Ndi zwone. Ndi—ndi u divhela phanda ha Mudzimu zwine zwa divha hezwi zwithu.

¹⁶⁴ Zwenezwo ni ri, “Thogeya ya u rera Mafhungo madifha ndi ifhio?”

¹⁶⁵ Zwino ndi do ni vhudza, hezwi. Paulo izwo o zwi fhindula, kana Yesu o ralo, zwavhuḍi-vhudı. Yesu khoyu afha. U ri, “Muvhuso wa Ṭadulu u nga munna we a bva a ya kha hezwi, kha—kha matzhavha kana dzivha, huno a posa mbule. A li kokodza. U bva heneffo, ho vha hu na zwibode. A vhuya na khumba. A vhuya na ḥnowa. A vhuya na magwaghavha. A vhuya

na zwidula. A vhuya na mabuvhi. A vhuya na maunguvhu. A vhuya na—a vhuya na khovhe.” Zwino, munna u khou sokou posa.

¹⁶⁶ Izwo zwi nga Mafhundo madifha. Kheya hafha zwino, ndi khou rera Mafhundo madifha. Ndi tou posa mbule. Nda li kokodza, nda ri, “Vhothe vhanwe vha funa, nnyi kana nnyi, kha de.” Afha hu da vhañwe, aleñareni. Vhothe vho kuvhangana u mona na aleñare. Vha rabela. Vha lila. A thi ñivhi muñwe kha muñwe. A si mushumo wanga. A tho ngo rumelwa u hañula.

¹⁶⁷ Fhedzi, hu na vhañwe ngomu afho vha re mañula. Hu na vhañwe vha re magwavhvahva. Hu na vhañwe vha re dzinowa. Ndi, vhañwe, zwibode. Nahone hu na vhañwe vha re khovhe. A si mushumo wanga u hañula. Ndi ri, “Khotsi, khezwi afha zwe nda kokodza.”

¹⁶⁸ Fhedzi, tshiñula tsho vha tshi tshiñula, na u rangani hazwo.

¹⁶⁹ Buvhi, buvhi la kale li do dzula heneffho huno la lavhelesa u mona, lwa tshifhinganyana, la vula ayo mató mahulu, la lavhelesa u mona, la ri, “U ya ñivha uri mini? Ndi na vhnunzhi ha Hezwi vhunga ndi tshi kona u ima.” Kuruu, kuruu, kuruu, kuruu, a bvela nnnda.

¹⁷⁰ Nowa ya tshisadzi ya kale i ralo u imisa thoho yayo, huno ya ri, “Zwo luga, u ya ñivha uri ndi mini? Arali vha tshi khou ya u rera nga u ralo, vha tshi lwa na u ambara zwiambaro zwipfufhi na zwiñwe, izwo zwi dzhia nñe. Ngauralo ndi do bva kha itsyo tshigwada tsha vhavhumbuluvi vhakhethwa. Tshi tou vha zwenezwo.” No vha ni ñowa na u rangani hazwo. Ndi zwone kokotolo. Ee.

¹⁷¹ Huno afha ha dzula muhulisei tshiñula tsha kale, na ilo fola lihulu mulomoni wawe, vhunga khare yo bviswaho nanga ya Texas, u ima heneffho nahone a lavhelesa u mona, a ri, “Zwo luga, a zwi nkhatuli u daha. Ndi do tou bva kha hezwi zwithu, zwino.” Zwo luga, inwi tshiñula tsha kale, no vha ni zwenezwo, na u rangani hazwo. Ndi zwone kokotolo. Ndi zwone kokotolo.

¹⁷² Mvelo yanu i sumbedza zwine na vha zwone. Vhutshilo hanu vhu sumbedza, u vhonadza zwine na vha zwone, na u rangani. A zwi nkondeli uri ndi vhone izwo. A zwi ni kondeli u zwi vhone.

¹⁷³ Arali nda ya kha mulimi Roy Slaughter o dzulaho hafha, huno nda vhone nguluvhe dzi matopeni, dzi tshi khou la matope, ndi nga si elekanye zwithu zwo khakheyaho nga izwo. I tou vha nguluvhe. Fhedzi arali nda vhone ngwana i matopeni, ndi do ñivhudzisa. Oho-ho. Ni a vhone? Ni so ngo whilahela, a ni nga i vhone afho. I nga si zwi imele. Ndi zwone.

¹⁷⁴ Huno muthu o bebwaho nga Muya wa Mudzimu u vhenga zwithu zwa shango. Ndi zwone, “Ngauri arali ni tshi funa shango kana zwithu zwa shango, lufuno lwa Mudzimu a lu ho kha inwi.”

¹⁷⁵ Arali nda gidima-gidima na vhasadzi ḋuvha na ḋuvha, huno nda dzhena ngomu, nda vhudza mufumakadzi wanga uri ndi a mu funa, u ḋo zwi ḋivha uri ndi muzwifhi. Nyito yanga i ḋo amba u fhira maipfi anga. Zwo tou ralo. Ndo mu sumbedza uri a thi mu funi, ngauri a tho ngo vha wa ngoho khae.

¹⁷⁶ O mmbudza uri u ya mpfunu, huno tshifhinga tshoṭhe musi ndo bva, u ya kha muṇwe muthu, zwi ḋo sumbedza uri ha mpfuni. Ndi zwone. Nyito yawe i ya zwi sumbedza. A thi na ndavha uri u lingedza u mmbudza hani, “Bill, ndi a u funa, nahone a hu na muṇwe muthu shangoni fhedzi iwe,” ndi ḋo zwi ḋivha uri u muzwifhi.

¹⁷⁷ Huno musi ni tshi lingedza u ri, “Murena, ndi a U funa,” nahone ni tshi khou ita zwithu zwa shango, Mudzimu u ya zwi ḋivha uri ni muzwifhi, na u rangani hazwo. Ngauralo ngani? Zwi thusa mini u ṭanganeda tshenzhemo tsha hafu tsha kale, na tshiṇwe tshithu tshi nga ho itsho, musi lutombo luhulu lwa Taḍulu lwo ḍala nga zwithu zwavhukuma? Ndi ngani ni tshi khou ḫoda u tangana, na ḫibuletshedza, hafu ya ndila, no bakiwa lwa hafu, Mukriste wa u ḋivhumba? Ngeno, ni tshi nga vha ḫwana wa Mudzimu o bebwaho zwavhukuma, ni na ḫilogo ya dakalo ya Taḍulu i tshi lila mbiluni yanu, ni tshi pembela, na u renda Mudzimu, nahone ni tshi khou tshila vhutshilo ha gundo nga Yesu Kristo.

¹⁷⁸ Hu si u lingedza u ita tshithu nga inwi muṇe, ngauri ni ḋo kundelwa, na u rangani hazwo. Fhedzi dzhiani Ene, Ndi Ipfi Ḵawé, nahone ni dzule kha zwe A amba uri ndi Ngoho. Huno ni Mu tende, na u Mu funa, huno U ḋo ita uri zweṭhe zwi shume nga ndila yone kha inwi. Zwo ralo. Ndi wonoyo muhumbulo.

¹⁷⁹ Murena a ni fhaṭutshedze. A thi ḫodi u ni halifhela, fhedzi, murathu, ndi khwiṇe u halifhelwa. Ni vhaṭuku vhanga. Ni a vhona? Nahone baba muṇwe na muṇwe ane a funa vhana vhawé u ḋo ralo u vha khakhulula, kana ha baba wa vhukuma. Ndi zwone? Ndi zwone. Huno havha baba vha tou vha na mulayo muthihi, nahone uyo ndi mulayo wa hayani. Nahone Mudzimu u na mulayo muthihi, nahone uyo ndi Ipfi Ḵawé.

¹⁸⁰ Arali ri tshi tenda Ipfi Ḵawé, zwenezwo ri do tshila nga Ipfi Ḵawé. Ndi mushumo washu, arali ro vhuya ra ṭanganana na Mudzimu. Hu si ngauri ni ri, “Zwo luga, ndi ya tshivhidzoni, ndi khou tea u ita *hezwi*.” Ni a shonisa. Ni so ngo ita izwo. Ndi ngani ni tshi ḫoda u vha a shonisaho, o ṭangananaho, funguvhu livhí, musi ni tshi kona u vha liivha? Ngangoho. Ni tea u tou ita uri mvelo yanu i shandukiswe. Huno ni shandukisa mvelo yanu, na vha murwa na ḫwananyana wa Mudzimu, na vha kha mulalo na Mudzimu.

¹⁸¹ Yesu! “Na Yesu o ralo-vho, uri A kone u khethefhadza vhathefha Malofha Awe Ene muṇe, a tambula hu si na khoro,” Vhahevheru 13:12 na 13. Vharoma 5:1, “Zworalo no itwa vho

lugaho nga lutendo,” hu si kha u khađana zwanda, hu si nga ndovhedzo madini, hu si nga u vheiwā ha zwāđa, a si nga u huwelela, a si nga u amba nga dzindimi, a si nga zwipfi. “Fhedzi u itwa wo lugaho nga lutendo, ri na mulalo na Mudzimu nga Murena washu Yesu Kristo.” Ro fhira u bva lufuni u da kha Vhutshilo, nahone ro no vha zwivhumbwa zwiswa, ngauri ro tenda kha Murwa mubebwa a ethe wa Mudzimu, nahone ra Mu ḥanganedza sa Mutshidzi washu. Nahone Malofha Awe a ya shuma, madekwana a ḥamusi, sa tshipfumelo tsha tshivhi tshashu, u ima vhuimoni hashu.

¹⁸² Kha Thestamente ya Kale, hu tou vha na fhetu huthihi ha u vha na vhuledzani, afho ndi fhasi ha malofha. Mutendi muňwe na muňwe u tea u da fhasi ha malofha. Musi tholehadzi tswuku i tshi vhulaiwa, yo vha i ya tshiṭhavhelo tsha tshivhi. I tea u vha tswuku. Huno kha ndima ya vhu¹⁹ ya Ekisoda, arali muňwe wa vhoiwi a tshi khou tama u i vhala. Huno i tea u dzhiwi, khwanda, dzothe, dza fhiswa dzothe. Huno izwo zwa itwa madi a phandekano. Yo vha i tshi vheiwā hu si na khoro. I tea u fariwa nga tshanda tsho kunaho. Malofha a heyi tholehadzi a ya phanda ha... kha tshivhidzo, huno a shashwa lwa sumbe kha vothi. Huno zwino, muthu muňwe na muňwe o tshikafhalaho a tshi dzhena, u tea u thoma a limuwa na u vhona ayo malofha, nahone a limuwa uri hu na vhuledzani vhuhihi fhedzi fhasi ha ayo malofha. Ndi hone fhetu hu hothe hune muloshi a kona u losha zwi huliseaho, ho vha hu fhasi ha malofha.

¹⁸³ Zwenezwo, tshithu tsha u thoma tshine a tea u ita, phanda ha musi a tshi da fhasi ha malofha, u tea u thoma a shashwa nga haya madi a phandekanyo, huno zwi so ngo kunaho zwa itwa zwo kunaho.

¹⁸⁴ Huno vha dzhia madi a phandekanyo huno vha a shasha kha muthu wa muendi nga ḥayo, nahone vha mu fhandekanya kha zwivhi zwawe. Huno-ha a kona u tshimbila fhasi ha hedzi ntho dza sumbe dza malofha, nahone a vha na vhuledzani na vhaňwe vhatendi vhothe Vhuhoneni ha Mudzimu.

¹⁸⁵ Hu na ndila nthihi ya u zwi ita. A si u khađana zwanda, a si u vha murado wa tshivhidzo, a si nga dzindovhedzo, a si nga zwipfi; fhedzi u dzhena madini a phandekanyo, na vheya zwanda zwađu, nga lutendo, n̄ha ha thoho ya Yesu, na ri, “Ndi muitazwivhi, nahone Wo fa vhuimoni hanga. Huno Tshiňwe tshithu ngomu hanga tshi mmbudza uri U do nkhangwela zwivhi zwanga, nahone ndi U ḥanganedza sa Mutshidzi wanga zwino.” Tshimbilani fhasi ha Malofha, ngei seli, ni vhe na vhuledzani na vhana vha Mudzimu. Ndi zwenezwo. Ilani vhurotho, ni nwe veini, huno ni vhe na vhuledzani na tshivhidzo.

¹⁸⁶ Oo, a si Ene wavhudī? Ha wa vhuđi? Zwino, izwi zwi nga vhonala zwi so ngo ḥoweleya kha inwi, khonani. Fhedzi ngani—ngani ndi tshi ima fhano nahone nda amba izwo zwithu? Ndi

zwi amba u lingedza u diita o fhambanaho na muñwe? Arali ndi tshi ralo, zwenezwo ndi tea u rembuluwa. Ndi khou Zwi amba ngauri Mudzimu o Zwi amba, ngauri Ndi Ipfi la Mudzimu. Huno thetshelesani. Hu khou da tshifhinga, nahone ndi zwino, hune vhathu vha do bva vhubvađuvha vha ya vhukovhela, vha tshi lingedza u wana Ipfi la Mudzimu, huno vha si Li wane.

¹⁸⁷ Musi ni tshi ya muñanganoni, tshithu tsha u thoma tshine na ita, ni dzhena ngomu heneffo nahone na wana zwigwada zwa dzindimi na dzithalutshedzo, huno muñwe muthu a takuwa huno a isa phanda na u topola Luñwalo; huno izwo ndi zwa nama. Zwo ralo. Mudzimu o ri rine “ri so ngo ita ndovhololo ya lifhedzi,” mini-ha nga Ene? Arali O vhuya a Zwi ñwala luthihi, Zwi tendeni. Ha tei u dovha a Zwi amba hafhu. Dzindimi na dzithalutshedzo dzo luga, fhedzi zwi tea u vha mulaedza wo livhiswaho kha tshivhidzo na kha muñwe muthu, hu si zwa nama na zwithu zwi ngaho hezwo. Huno ni fhira phanda kha hezwi zwiñwe zwithu zweþhe.

¹⁸⁸ Hafha liñwe ñuvha, vhanna vhavhili vho dzhena kha... huno munna na mufumakadzi, na muñwe munna na mufumakadzi, vhaswa vho malanaho, vha dzhena fhetu, uri vha ye Afurika sa vhafunziruña. Muñwe muthu a ima nahone a neya tshiporofito, nahone a neya dzindimi na dzithalutshedzo, urí, “Vho dzhielana mufumakadzi vhoþhe.” Izwo, “A zwi tei u vha nga heyo ndila. Vho mala muthu o khakheyaho.” Huno havho vhathu vhavhili vha fhandekana huno vha dovha vha mala, hafhu. Muñwe munna a dzhia mufumakadzi wa muñwe, muñwe, we a vha a tshi khou ranga phanda dinomineisheni ya Pentekostaña, nahone vha ya Afurika sa vhafunziruña.

¹⁸⁹ Mukomana, musi ni tshi ana, no vhofheya kha uyo muano u swika lufu lu tshi ni vhofholola. Ndi zwone kokotolo. Ngangoho. Musi ni tshi ita muano wañu, u ya vhofha.

¹⁹⁰ Hezwo zweþhe, maloto! Nahone zwo swika fhetu hune musi ni tshi ya nn̄da zwivhidzoni, hu tea u vha hu khou rothola nahone hu na maitele nahone hu tshi khou fhisa, u swika musi thimometha ya tshimuya i tshi tsela fhasi ha zero nga fuþhanu. Vhathu vha dzula vhunga gwati kha phopho, vha tshi vhavha na u fhambana na u sinyalala. Huno arali na pfa muñwe muthu, murahu hafho khonani, a tshi ita a tshi boroda yone thukhu “amen,” murahu ha tshifhinganyana, sa vhunga zwi tshi a vha vhaisa, vhoþhe vha do þaramudza mitsinga yavho sa masekwa, uri vha lavhelese u mona, vha vhone zwo iteaho. Ni a zwi ðivha uri iyo ndi ngoho. A thi khou amba izwo u itela miswaswo. Hafha a si fhetu ha miswaswo. Ndi Ngoho. Ndi zwone. Ndi khou zwi amba ngauri ndi Ngoho ya Mafhuno maðifha.

¹⁹¹ Huno iñwe thungo, ni wana hu na tshigwada tsha maloto tsha tshigwada tsha zwipfi zwa nama zwi tshi khou itea, huno Ipfi la ngoho la Mudzimu lo swika fhetu hune zwi a kondauri ni

Li pfe: vhukati ha ndila ya kale, Mafhundo madifha, Tshedza kha ndila yanga, halēluya, Malofha a Ngwana, lufuno lwa Mudzimu lune lwa ri fhandekanya na zwithu zwa shango.

¹⁹² “No no amba nga dzindimi, murathu? A ni Nawo. No huwelela u swika tshipfi tsha murotholo tshi tshi itea muṭanani waṇu? No dzi vhona bola dza mulilo?” Oo, maloto! A hu na zwithu zwo raloho.

¹⁹³ No tenda kha Murena Yesu Kristo na Mu ṭanganedza sa Mutshidzi waṇu? Nahone Muya wa Mudzimu wa tendelana na mya waṇu, uri ni vharwa na vhananyana vha Mudzimu. Nahone vhutshilo hanu vhu aṇwa mitshelo ya lufuno, dakalo, mulalo, u kondelela, vhuthu, vhulenda, u dzika. Zwenezwo ni Mukriste. Arali zwi sa ralo, a thi na ndavha uri ni ita mini.

Paulo o ri, “Ndi nga ḡetshedza muvhili wanga uri u fhiswe sa tshit̄havhelo. Ndi qivha zwiphiri zwoṭhe zwa Mudzimu. Ndi nga sudzulusa dzithavha nga lutendo lwanga. Ndi nga amba nga dzindimi sa vhanna na Vharuṇwa. A thi tshithu.” Mini-ha nga izwo? Vhakorinta ya u Thoma 13; wanulusani arali Izwo zwi zwone kana hai.

¹⁹⁴ Zwino wanulusani arali—arali Vhakorinta, Vhakorinta ya Vhuvhili 13, ndi a tenda uri ndi yone. Kana, zwo luga, ndi Vhakorinta ya u Thoma kana ya Vhuvhili. Vhakorinta ya u Thoma hafho, Vhakorinta ya u Thoma 13, ndi yone. “Naho nda amba nga dzindimi dza vhatu na dza Vharuṇwa, dzoṭhe dici ṭalutshedzeyaho na dici sa ṭalutshedzeyi, a thi tshithu.” Ngauralo ḫhōdye ya u tambo ngazwo ndi ifhio, zwenezwo-ha?

¹⁹⁵ “Naho nda pfectesa zwiphiri zwoṭhe zwa Mudzimu.” Ndi ngani ni tshi ya kha dziseminar na lingedza u guda zwinzhi ngazwo? Ndi khwine ni tshi dzudzanya na Mudzimu, u thoma. Ngangoho. “Naho Ndā, ‘Oo, kha hu rendwe halēluya!’”

¹⁹⁶ No ralo lune a ni koni u vha na tshivhidzo nndani ha musi ni na khampheini ya phodzo kana ni na luṇwe lushaka lwa madembe o no khou itea. “Murafho muvhi nahone u leluwaho u ṭoda zwo raloho.” Ni khou zwi ṭodela mini?

¹⁹⁷ Paulo o ri a nga ita hezwo zwithu zwoṭhe, a sudzulusa na dzithavha, huno a vha a si tshithu. “Hune ha vha na dzindimi, dici do guma. Hune ha vha na ndivho, i do fhela. Hune ha vha na zwiporofito, dici do kundelwa. Fhedzi musi hezwo zwo khunyelelaho dici tshi da, dici do kondelela lwa tshoṭhe,” nahone lufuno ndi u khunyelela. “Mudzimu o funa shango zwihi, lwe A vhuya a ḡetshedza Murwa Wawe mubebwa a eṭhe.” Uri, “Vhoṭhe vhane vha tetemela, vhoṭhe vha khaḍanaho, vhoṭhe vha ambaḥo, vhafhio”? “Vhoṭhe vha tendaho kha Ene vha sī lovhe, fhedzi vha vhe na Vhutshilo Vhu Sa Fheli.” Tendani izwo, vhana.

¹⁹⁸ Vha lingedza u zwi ita uri zwi ṭanganane, hezwi zwithu na hezwo zwithu. Musi, zwi tshi fhelela kha tshithu tshithihi: lutendo lwaṇu kha Mudzimu. Ndi zwenezwo. Zwi amba

zwenezwo. “Ngauri nga lutendo,” hu si nga zwipfi. “Nga lutendo,” hu si nga vhudipfi. “Nga lutendo,” hu si nga zwipfi. “No tshidzwa nga lutendo; nahone izwo nga . . .” Ngauri no ḥoda Murena? Ngauri no vha ni muthu wa vhuḍi? Ngauri, “Mudzimu, nga tshilidzi, o dzula o ni ḫivha nahone a ni tela Vhutshilo Vhu Sa Fheli.”

¹⁹⁹ Yesu o ri, “A hu na muthu ane a nga da kha Nne nndani ha musi Khotsi Anga vho mu kokodza. Nahone vhoṭhe vhāne vha da kha nne, Ndi do vha fha Vhutshilo Vhu Sa Fheli. A hu na muthu ane a nga vha bvisa tshandani Tshanga. Ndi Vhang. Vho tshidzwa lwa tshoṭhe. Ndo vha fara. A hu na muthu ane a nga vha bvisa tshandani tsha Khotsi Anga, nahone ndi Ene O vha kumedzaho kha Nne. Ndi zwifhiwa zwa lufuno Lwanga.”

²⁰⁰ “Huno vhoṭhe vhe A dzula o vha ḫivha, O vha vhidza.” Ha vhidzi muthu nndani ha musi O dzula o mu ḫivha. “Vhoṭhe vhe A vha vhidza, O vha ita vho lugaho; vhoṭhe vhe A vha ita vho lugaho, O vha ḫeya vhugala.” Ngauralo, ni a vhona, ri kha vhuawelo ho khunyelelaho.

²⁰¹ Zwino, ndi a zwi ḫivha uri hu na vhoramilayo vhanzhi hafha, phesenthe dza fuṭahe-ṭahe dzanu. Fhedzi, lavhelesani, arali na nga tou dzhia Hezwi na limuwa uri a thi khou lingedza u ni vhudza tshiñwe tshithu.

²⁰² Zwenezwo ni ri, “Zwo luga, Mukomana Branham, ndo dzulela u elekanya uri ndi tea u ita *hezwi* nahone ndi tea u ita *izwo*.” Hu na yo raloho—yo raloho phambano khazwo, murathu, zwine na khou tea u ita na zwine na khou ḥoda u ita. No tshidzwa, hu si ngauri hu na zwe na ita khazwo. No tshidzwa ngauri Mudzimu o ni tshidza shango li sa athu u sikwa.

²⁰³ Thetshelesani. Thetshelesani hafha. Bivhili i ri, kha Nzumbululo. Ndi khou ya u ni dzhia u bva mathomoni u swika magumoni zwino. Bivhili i ri, kha Nzumbululo, uri, musi livhanda li tshi da, lo fhura vhoṭhe vha re kha lifhasi. Livhanda lo ralo. “Li fhura vhoṭhe vha re kha lifhasi, vhane madzina avho ho ngo ḫwaliwa kha Bugu ya Ngwana ya Vhutshilo . . .” U bva mvuseledzo i tshi thoma? Izwo zwi pfala zwi zwone? Zwo luga, u bva tshe mureri a rera pfunzo ya maanda? U bva tshe uyo munna a fhodzwa? “. . . u bva tshe shango la sikwa.”

²⁰⁴ Yesu o vhulaiwa ngafhi, kha Khalivari? Hai, muṇe wanga. Yesu o vhulaiwa u bva tshe shango la sikwa. “Vhonani Ngwana ya Mudzimu, ye ya vhulaiwa u bva tshe shango la sikwa.” Mudzimu, u rangani, musi A tshi vhona tshivhi, O vhona zwe zwa itea, A amba Ipfi. Huno Yesu o vhulaiwa u bva tshe shango la sikwa. Nahone muthu muṇwe na muṇwe o tshidzwa, o tshidzwa, zwi tshi tevhela Bivhili, musi Ngwana i tshi vhulaiwa muhumbuloni wa Mudzimu, u bva tshe shango la sikwa. No džheniswa kha u tshidzwa heneffo. Ngauralo ni khou ya u ita mini malugana Nazwo?

²⁰⁵ Ndi Mudzimu. Kha hu rendwe Dzina ḥa Murena! “Ndi Mudzimu a shumaho; a si uyo ane a funa kana uyo ane a gidima, fhedzi Mudzimu ane a sumbedza khathutshelo.”

Arali Yesu o vhulaiwa u bva tshe shango ḥa sikwa, zwo dzhia miwaha ya zwigidi zwiṇa phanda ha musi zwi tshi itea. Fhedzi musi Mudzimu a tshi zwi amba murahu hafha, Ipfi liñwe na liñwe ḥa Mudzimu li do ima. Li sa shanduki. Li sa shandulwi. Li nga si kundelwe. Huno musi Mudzimu a tshi vhulaya Murwa musi shango li sa athu u sikwa, O vhulaiwa henehfo vhunga O vhulaiwa kha Khalivari. Ndi tshibveledzwa tsho fhelaho, musi Mudzimu a tshi ralo. Huno elelwani, musi Ngwana i tshi vhulaiwa, u tshidzwa hanu ho dzeniswa kha tshiṭhavhelo, ngauri Bivhili i ri dzina ḥanu lo “Nwaliwa kha Bugu ya Ngwana ya Vhutshilo musi shango li sa athu u sikwa.”

Mini-ha nga izwo? Zwenezwo ri khou ya u ita mini? Ndi Mudzimu a sumbedzaho khathutshelo. Ndi Mudzimu we a ni vhidza. Ndi Mudzimu we a ni nanga kha Kristo musi shango li sa athu u sikwa. Yesu o ri, “A no ngo ralo—a no ngo Nnanga. Ndo ni nanga. Nahone Ndo ni divha, musi shango li sa athu sikwa.” Khezwo-ha.

²⁰⁶ Ngauralo, ni a vhona, izwo zwi bvisa nyofho ngomu hanu. “Oo, ndi a divhudzisa arali ndi tshi tea u isa phanda? Ndi do zwi kona, Mudzimu kha rendwe, arali nda tou isa phanda na u farelela.” A si uri ndi a farelela, kana hai. Ndi uri U ya farelela, kana hai. Ndi zwe—zwe A ita, a si zwine nda ita. Ndi zwe A ita.

Vhunga fhasi ha mulayo wa thengululo. Hezwi ndi zwithu zwiṭuku zwine nda khou ṭoda u amba phanda ha musi ndi tshi vala.

²⁰⁷ Mini-ha arali bere ya tsadzi ya kale ya beba meula ḫukhu? Nahone iyo meula ḫukhu n̄devhe dzayo dza kherukana. I na mangai, na gona lo vundeaho, mapeta. Mutshila wayo wo ima wo sedza n̄tha muyani. Phukha i vhonalaho lu no ofhisia hani! Ngani, nnyi na nnyi... Arali iyo meula ḫukhu ya nga elekanya, ya ri, “Zwino, imaninyana. Musi vha tshi bva nduni ano matshelon, ndi a ni vhudza, ndi do vha rwa kha ḫohoho. Ngauri, a vho ngo nkanzwa. Lavhelesa uri ndi tshithu tshi vhonalaho lu no ofhisia hani. A thi na na tshikhala.”

²⁰⁸ Zwo luga, ndi zwone. A ni na tshikhala. “Zwo luga, ndo bebiwa kha lino shango, fhedzi lavhelesani hafha uri ndi tshithu tshi vhonalaho lu no ofhisia hani. Ngauralo ndi—ndi—ndi—ndi nga si vhuye nda vha na tshikhala. A thi nga zwi koni. Ndi nga si zwi kone.” Ni a vhona?

²⁰⁹ Fhedzi mini-ha arali mme ayo vho pfumbudzwa zwavhukuma kha mulayo? Vha do ri, “Murwa, ndi zwone. U na tshivhumbeo tshi sa takadzi, nahone a wo ngo fanelwa nga u la zwiliwa zwi bvaho kha lifhasi. Ndi zwone. A wo ngo fanelwa. Fhedzi, murwa, nga iñwe ndila-vho, u tanzhe ḥanga. Huno, u ya

divha, wo bebwā fhasi ha pfanelo ya mbebo. Nahone tshifhe ha nga vhuyi a u vhona. Fhedzi, u itela dzina lau, hu tea u vha na ngwana i si na mulandu nahone i sa solei, i tea u fa vhuimoni hau, uri u kone u tshila.”

²¹⁰ Zwo luga, iyo meula thukhu i nga raha-raha khwanda nahone ya vha na tshifhinga tsha khwiñe. A zwi iti phambano uri i mini, ngauri a i nga vhuyi ya vhoniwa nga muhaṭuli, tshifhe. Ndi ngwana ine tshifhe a i lavhelesa. A si meula; ngwana!

²¹¹ Huno ndi Kristo ane Mudzimu a mu lavhelesa, a si inwi. Ndi Kristo. Ngauralo arali hu si na vhukhakhi kha Ene, hu nga vha hani na vhukhakhi? A nga wana hani vhukhakhi, musi no fa nahone vhutshilo hanu ho dzumbiwa kha Kristo nga Mudzimu, no pfunelwa nga Muya Mukhethwa? “Havho vho bebwaho nga Mudzimu a vha iti tshivhi, ngauri ha koni u tshinya.” A nga tshinya hani musi tshiṭhavhelo tsho khunyelelaho tsho dzula vhuimoni hawe? Mudzimu ha lavhelesi kha nne, U lavhelesa kha Kristo, ngauri ri kha Kristo.

²¹² Zwino, arali ndi tshi funa Kristo, ndi do tshila Nae. O vha a nga si nkokodze nndani ha musi O divha. Arali Mudzimu a ntshidza ḥamusi, a tshi divha uri U khou ya u nndozwa vhege dza rathi u bva ḥamusi, Ú khou kunda ndivho Yawe Ene muñe. Ndi zwone. Zwo ralo Ha divhi na zwa phanda, arali A ntshidza, a tshi zwi divha. Ndi mini zwine A khou ṭoda u ntshidzela zwone, a tshi divha uri U khou ya u nndozwa? Mudzimu ha iti zwithu, zwenezwo a zwi humisela murahu nga vhege mbili, u itela u vhulunga pfulufhedziso Yawe. Musi A tshi ni tshidza, ndi zwa tshifhinga na u ya Nga Hu Sa Fheli.

²¹³ Zwino, ni nga shumea, na ri, “Oo, ee, Mudzimu kha rendwe! Haleluya! Ndo amba nga dzindimi. Ndo huwelela. Ndo mu fara. Haleluya!” Izwo a zwi ambi uri no U wana. Fhedzi, murathu, musi Tshiñwe tshithu tshi tshi dzhena *hafha* fhasi, nahone na ṭoka midzi na Kristo, zwenezwo mitshelo ya Muya i ya ni tevhela. Ri vha na vhuṭanzi, myua washu na Muya Wawe, uri ri vharwa na vhananyana vha Mudzimu. Ndi a humbeli ivhani na Uyo, dzikhonani.

²¹⁴ Ndi do ni fareledza hafha vhusiku hoṭhe, ndi tshi amba nga izwo. Ndi a Zwi funa. Ndi a ni funa. Ndo vhuya murahu kha heyi theberenakele thukhu, tshifhinga tshoṭhe, arali Mudzimu a phulusa vhutshilo hanga. Ndi khou ṭoda u ni vhona no ṭoka midzi nahone no ima kha Lutendo lukhethwa. A thi ṭodi u ni vhona ni tshi shanavhida, nga myua maṭuku muñe na muñe wa pfunzo ino fhira, huno ya ni dzinginyisa, na isa phanda, nahone na vha na malofha maṭuku zwandani zwavho, kana mahada maṭuku kha zwifhaṭuwo zwavho, kana tshiñwe tshithu-vho, na u vhona zwiñwe zwa—zwa—zwa zwiedza zwo raloho phanda havho, na zwiñwe zwa—zwa zwithu zwa vhutseda, vhunga Bivhili yo ri, “A dikukumusa mbiluni yawe, nahone a si vhone tshithu.” Ndi

zwone. Ndi khou ṭoda u ima ndo khwaṭha kha Ipfi. Arali li ARALO MA AMBA MURENA, dzulani Nalo, tshilani Nalo. Iyo ndi yone Urim Thummim ya ḥino ḫuvha. Mudzimu u khou ṭoda ni tshi tshila Ngayo. Arali zwi si ho kha Ipfi, zwenezwo zwi hangweni. Tshilelani Mudzimu, tshilelani Kristo.

²¹⁵ Huno arali mbilu yaṇu ya thoma u pambuwa, ni a ḫivha uri hu na tshithu tsho iteaho, humelani murahu kha aleṭare nahone ni ri, "Kristo, vuseledza ḥanga... dakalo ḥa u tshidzwa hanga. Nneya luya lufuno lwe nda vhuya nda vha nalwo. Lu khou bvuda, Murena. Hu na zwithu zwe nda ita. Nnyite mukhethwa hafhu, ndi ime. O Murena, a hu na zwine ndi nga ita. Ndi nga litche *hezwi* nahone nda litsha *izwo*. Ndo lavhelesa kha Iwe uri u zwi bvise kha nne, Murena, nahone ndi ya U funa."

²¹⁶ Huno ni bve kha aleṭare, ni muthu muswa kha Kristo Yesu. Zwenezwo a ni nga ḫigogodedzi nga tshihidzo tshanu, u ḫigogodedza nga tshifhe waṇu, u ḫigogodedza nga mufunzi waṇu. Ni khou ḫigogodedza nga Malofha o shuluwaho a Murena Yesu. "No tshidzwa nga tshilidzi."

Kha ri rabele.

²¹⁷ Murena, pfunzo dzo khwathaho nga u ralo! Ndi tshifhinga tshone tshine tshihidzo tshituču tsha dzhia nama, nahone a hu tshe na mafhi a Ipfi. Ro dzulesa kha mafhi zwino, ri tshi neya lushie bodela. Fhedzi ri tea u vha na nama dzo omaho, ngauri ḫuvha li khou sendela. Zwifhinga zwi hulu zwi shushaho zwi tsini, nahone khakhathi khulu dzi ndilani. Nahone ri a zwi ḫivha uri a hu tsha do vha na zwifhinga zwa khwiṇe. Ri a zwi ḫivha uri ri vhufheloni ha tshifhinga. Zwifhinga zwi do isa phanda na u vha zwivhi na u vha zwivhi u swika Yesu a tshi ḫa, u ya nga Maṇwalo.

²¹⁸ A ri koni u vha fulufhedzisa tshiṇwe tshithu kha vhuno vhutshilo. Fhedzi kha vhutshilo vhu ḫaho, ri a kona u vha fulufhedzisa Vhutshilo Vhu Sa Fheli nga Ipfi Lau, arali vha tenda kha Murwa wa Mudzimu nahone vha Mu ḫanganedza sa Tshipfumelo tshavho, sa Ene We a ima vhuimoni havho, sa Ene we a dzhia zwivhi zwavho. Zwi tendele zwino.

²¹⁹ Vhadzia u sa tenda vha tshi vha vhatendi. Ngavhe vhadibuli vha tshihidzo, hafha madekwana a ḫamusi, vhane vha bula vhurereli na u tou tshila tshihidzoni, ngavhe vha tshi ḫanganedza tshenzhemo na Mudzimu; uri lufuno lwo raloho lu dzhene mbiluni dzavho, uri vha lilele zwivhi zwavho, vha fe kha vhone vhaṇe, nahone vha bebwe nga huswa nga Muya Mukhethwa, nahone vha vhe na vhuthu na vhulenda, vha vhe vha funaho, nahone vho dalaho dakalo na dziphathutshedzo. Vha tshile vhutshilo ho raloho, u swika vha tshi vhavha lune vha ita uri vhathu vha re tsini havho, vha pfe ḫora ḥa u ṭoda u fana navho. Zwi tendele, Murena, ngauri ri zwi humbeli nga Dzina Lawe.

Huno ro kotamisa Ბho dzashu.

²²⁰ Ndi a Ბvhudzisa, madekwana a ɬamusi, arali hu na muñwe hafha, ane a ri, “Mukomana Branham, arali ndo kaliwa kha tshikalo tsha Mudzimu nga itsho tshifhinga, ndi musi ndi so ngo vhuya nda ralo, vhuya nda ralo, u vhuya nda ralo u kona u swikelela Ბhodeya dzine wa khou amba ngadzo madekwana a ɬamusi. Ndi khou Ბoda u tshi nnyelelwa thabeloni, uri ndi shandukise ndila dzanga, nahone Mudzimu a dzhene ngomu nahone a bvise aya maloto ngomu hanga nahone a nnyite Mukriste wa vhukuma”? Ni do ralo u imisa tshanda tshañu u itela thabelo, vhunga ni, arali ni tshi do ralo? Mudzimu a ni fhañutshedze. Mudzimu a ni fhañutshedze. Mudzimu a ni fhañutshedze, afho murahu. Mudzimu a ni fhañutshedze. Mudzimu a ni fhañutshedze, murathu. Mudzimu a ni fhañutshedze, khaladzi.

Mukhethwa, Mukhethwa, Mukhethwa,

Murena Mudzimu wa mavhuthu.

Liñadulu na lifhasi zwo dala nga Iwe,

Liñadulu na lifhasi zwi khou renda Iwe,

Ó Murena wá ngei N̄tha Taðulu.

²²¹ “Mukhethwa.” Musi ni tshi khou elekanya zwino, ni tshi khou rabela, musi ni tshi khou pfa ni tshi khou tenda uri no khakha, nahone ni khou Ბoda u zwi dzudzanya, ni do ralo u tou imisa tshanda tshañu, na ri, “Mudzimu, nnyite zwine nda tea u vha zwone”? Mudzimu a ni fhañutshedze, mufumakadzi muñku. “Mudzimu, nnyite zwine nda tea u vha zwone.” Mudzimu a ni fhañutshedze, murathu, khaladzi, inwi, inwi, inwi nga afha.

²²² Duvha li khou kovhela. Ndi a zwi Ბvha uri zwi a kondä, dzikhonani, fhedzi ndi khwiñe u Ბvha Ngoho zwino. Zwino rabelani no dzika.

Mukhethwa, Mukhethwa, Mukhethwa,

Murena Mudzimu . . .

U mukhethwa, ene a eñhe.

. . . dala Iwe,

Liñadulu na lifhasi zwi khou renda Iwe,

Ó Murena wá N̄tha Taðulu.

²²³ Khotsi wa Taðulu, duvha li kovhela nga madekwana, thambelamadi zwi kuvhangana murini na vhafuñwa vhadzo. Zwinoñi zweþe zwi ya zwitahani zwazwo. Maihva a fhufhela kha dzidirata, n̄tha, uri nowa dzi si kone u a thithisa vhusiku hothe. A dzula heneffho nahone a lila u swika a tshi edela. Duvha la fhedza lo kovhela.

²²⁴ Liñwe duvha ri do swika kha iyo awara. U kovhela ha duvha zwi do itea. A thi Ბvhi uri lini, Murena. Fhedzi hu na vhathu hafha madekwana a namusi vho Ბtuwedzeyaho uri vho khakha, nahone vha khou Ბoda u da afho fhethu, vhunga Lincoln o da

musi a tshi khou fa, a ri, "Rembuluselani tshifhaṭuwo tshanga tshi livhane na u kovhela ha ḫuvha." Huno a thoma, "Khotsi ashu Ane a vha Ṭaḍulu."

²²⁵ Vhunga Moody wa kale o ri, "Naa ulu ndi lufu? Ili ndi ḫuvha ḥanga la pfufhiwa."

²²⁶ O Iwe wa u ya Nga Hu Sa Fheli, vha ṭanganedze zwino, nga lutendo, musi vho dzula henefho zwiduloni zwavho. Wo khokhonya mbiluni dzavho, tshiduloni. Iyo ndi aleṭare yavho. Tshino ndi tshifhinga tsha uri U vha ṭanganedze, zwino. Wo ri, "Uyo ane a da kha N̄ne, A thi nga mu pandeli."

²²⁷ Huno liñwe ḫuvha musi ḫuvha li tshi kovhela, mufumakadzi kana munna vho ima tsini na mmbete, madokotela a ṭutshela kule. O Mukhethwa, Mukhethwa, izwo ndi zwa vhudi, mufhefhedo wa vhudi, phanda ha musi ḫuvha li tshi kovhela. Musi ri tshi nga kona u vuwa nahone ra ri:

U kovhela ha ḫuvha na Naledzi ya
Madekwana,
Na mbidzo i re khagala yanga;
Huno ngavhe hu si na u gomela kha ilo pala
Musi ndi tshi li bvisa lwanzheni.

²²⁸ O Mudzimu, zwi tendele khavho nga ino awara; musi vho lindela, vho lindela dziphaṭhutshedzo dza Mudzimu uri dzi de khavho. Bvisa mbiti dzothe, shango lothe, zwi bve khavho, nahone u sike khavho mbilu ntswa. Wo ri, "Ndi do bvisa mbilu ya kale, nahone nda vheya mbilu ntswa ya ḥama. Nahone Ndi do vheya Muya Wanga kha iyo mbilu, huno vha do tshimbila kha tshivhumbeo Tshanga nahone vha tevhedza milayo Yanga." Ngauri, ndi zwithu zwa lufuno, huno a si zwa mushumo. Ndi zwa lufuno. Huno lufuno lu ri vhofha uri ri zwi ite. Ndi mushumo wa lufuno, wa u ri vhofha. Ndi mushumo washu u tevhela lufuno. Huno ndi a rabela, Mudzimu, uri U zwi ḥeye kha mbilu inwe na inwe yo imisaho tshanda tshayo madekwana a ḥamusi.

²²⁹ Huno havho vha so ngo imisaho tshanda tshavho, ngavhe vha tshi ralo zwino, nga tshilidzi, vha imise zwanda zwavho uri vha U ṭanganedze, na uri vha dadzwe nga Muya Wau nga ino ya vhuhwawho, ya vhudi, yo dzikaho, ndila ya u ṭukufhala; nahone vha dale tshilidzi, vha bve fhano sa muthu o shandukiswaho. Zwino ni zwi do imba lwo fhambanaho hani, muthu muñwe na muñwe u do vha o fhambanaho hani, nga murahu ha ino awara, O Murena wa ngei N̄tha Ṭaḍulu.

Mukhethwa, Mukhethwa, Mukhethwa,
Murena Mudzimu wa lifhasi,
Litadulu na lifhasi two dala nga Iwe,
Litadulu na lifhasi zwi khou renda Iwe,
O Murena wa ngei N̄tha Ṭaḍulu.

²³⁰ Vhoinwi zwino ḥohoho dzanu dzo kotamiswa, vhoinwi no imisaho zwanda zwanu uri ni elelwe kha thabelo, ni pfa vhunga

Mudzimu o amba na inwi nga ndila yo raloho zwino, hu si nga zwipfi, fhedzi tshiñwe tshithu fhasi ngomu hafha, ni pfa u nga Mudzimu o ni fha Vhutshilo Vhu Sa Fheli? Ni pfa u nga ni khou bva tshivhidzoni madekwana a ɿamusi sa muthu o fhambanaho? Ni do ralo u imisa zwanda zwañu madekwana a ɿamusi? Mudzimu a ni fhañutshedze, murwa. Mudzimu a ni fhañutshedze, murathu. Mudzimu a ni fhañutshedze, khaladzi. Mudzimu a ni fhañutshedze. Ndi zwone. “Ndi do bva kha tshino tshivhidzo, madekwana a ɿamusi, ndi muthu muswa.” Vhushie hu tsha ði bva u bebwa Muvhusoni wa Mudzimu.

²³¹ Ho itea mini? Ndi a zwi ðivha uri ndi nzudzanyo ya u ða kha aleñare. Iyo ndi aleñare ya Methodisi, mbekanyo ya Methodisi, ndi ðoda u ralo. Zwo bveledzwa kha tshivhidzo tsha Methodisi, maduvhani a John Wesley. A zwo ngo itea maduvhani a Bivhili. “Vhanzhi vho tendaho vho engedzwa kha Tshivhidzo.” Ni nga tenda ni huñwe na huñwe hune na vha hone, nn̄da tsimuni, nn̄da tshiñarañani, huñwe na huñwe. Huñwe na huñwe, a zwi iti phambano, tenda na ɿanganedza Kristo sa Mutshidzi wañu. Ndi mushumo wa Muya Mukhethwa une wa da mbiluni yanu. Musi ni tshi Mu tenda, na Mu ɿanganedza, ni fhira u bva kha lufu na ða kha Vhutshilo, na vha tshivhumbwa tshiswa kha Kristo Yesu.

U so ngo mphira, O Mutshidzi wa vhudi,

Zwino imani nga milenzhe yanu.

. . . tshililo tshanga tshi ɿungufhadzaho;
Musi kha vhañwe Iwe u tshi khou vhidzelela,
U so ngo mphira.

²³² Zwino ndi khou ðoda munna muswa na mufumakadzi, ane nda ɿalusa uri ndi mufumakadzi wawe, no imisaho tshanda tshanu, ndi khou ðoda ni tshi dovha na imisa tshanda tshanu murahu afho; murwa, o ambaraho dzhasi litswuku, na mufumakadzi, uri vho ɿanganedza Kristo sa Mutshidzi wawho. Munna muswa o dzulaho hafha kha wilitshee, o ɿanganedza Kristo sa Mutshidzi wawe, o pfa uri Mudzimu o mu tshidza. Na vhañwe murahu hafho vhe vha imisa zwanda zwavho, zwi imiseni hafhu uri vhathu vha kone u lavhelesa u mona, vha vhe na vhuledzani na inwi.

²³³ Khaðani zwanda zwavho, muñwe muthu tsini, o imaho tsini navho. I ri ni, “Mudzimu a ni fhañutshedze. Ri a ni ɿanganedza Muvhusoni wa Mudzimu, murathu wanga, khaladzi anga.” Vhuledzani, ndi hone vhune ra khou ðoda. Mudzimu fhañutshedza . . . Khaðanani na hoyu munna muswa hafha kha tshidulo. Murena a vhe nae. Ndi zwone. Ri ni ɿanganedza kha vhuledzani ha Muya Mukhethwa.

²³⁴ Arali ni sa athu u lovhedzwa, nahone ni tshi tama u lovhedzwa, gonyani ntha hafha nahone ni vhudze mufunzi ngazwo. Tivha hafha ñi na madi ngomu halo, madekwana a ɿamusi, arali ni tshi khou ðoda u lovhedzwa. Zwo ñthe zwo lugela.

(No vha na ndovhedzo, iñwe nndani ha zwino?) Fhedzi tivha lo lugela, arali hu na muñwe muthu o no khou ḥoda u lovhedzwa. Bivhili i ri, “Shandukani, noñhe, huno ni lovhedzwe nga Dzina la Yesu Kristo u itela khangwelo ya tshivhi tshañu, nahone ni do ḥanganedza tshifhiwa tsha Muya Mukhethwa. Ngauri pfulufhedziso ndi ya vhoinwi na vhana vha vhoinwi, na avho vha re kule, na vhanzhi vhane Murena Mudzimu a do vhidzelela.”

²³⁵ Ni a Mu funa? Imisani tshanda tshañu. [Tshivhidzo tshi ri, “Amen.”—Mudz.] Oo, A si wa vhuñi? Ni diphina hani nga iyi Bugu ya Vhahevheru? Ni a I funa? [“Amen.”] Ee. Zwo naka. Zwino, Ndi ndulamiso. Oo, Yo oma nahone I amba tswititi zwi khagala, fhedzi izwo ri a zwi funa. Ndi ndila ine ra ḥoda u vha Nazwo ngayo. A ri Zwi ḥodi nga iñwe ndila.

²³⁶ Zwino, ni a tenda uri Paulo u na ndaulo ya u Zwi rera sa zwenezwo? Paulo o ri, “Arali Muruñwa a da a rera mañwe mafhungo mađifha, kha semiwe.” Ndi zwone? Ngauralo ri Mu funa nga mbilu dzashu dzoñhe.

²³⁷ Zwino ndi khou ya u humbela mufunzi uri a ñe hafha lwa tshikhalyana, murathu washu wa vhuñi nga maanda, Mukomana Neville, huno u na maipfi a u ni vhudza. Huno zwino, arali Murena a tshi khou funa, ri do ni vhonha nga madekwana a Łavhuraru, nahone ra ita nzudzanyo malugana na u ya kha Mukomana Graham Snelling u itela vhusiku ha khuvhangano ya tshivhidzo. Na u itela uri u rera hafha hu ye phanda, kha ndima ya vhu7 na ya vhu8, vhuno vhusiku ha Łavhuraru li no khou da. Mukomana Neville.



VHAHEVHERU, NDIMA YA VHUSUMBE 1 TSV57-0915E
(Hebrews, Chapter Seven¹)
BUGU YA MILAEDZA YA VHAHEVHERU

Hoyu Mulaedza nga Mukomana William Marrion Branham, u rangani wo newa nga Tshiisimane nga madekwana a Swondaha, Khubvumedzi 15, 1957, Thaberenakeleñeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḥhalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org